

# 增補文獻備考

十七

庫	文	閣	內
元	六		漢
函	一		書
一	四	三	
架	冊	號	類

內閣文庫	
番號	漢 6143
冊數	51 ( 18 )
函號	294 19



Kodak Gray Scale

A 1 2 3 4 5 6 M 8 9 10 11 12 13 14 15 B 17 18 19




© Kodak, 2007 TM: Kodak





增補文獻備考卷之八十



禮考二十七  
章服二

弘文館 纂輯 校正

新羅興德王制 眞骨大等麻布用二十六升已下車材不用紫檀沈  
香不得帖玳瑁飾以金銀玉褥子用綾絹已下不過二重幃用小文綾  
紗施已下鞍橋禁紫檀沈香鞍韉禁罽繡錦羅鞍坐子禁罽繡羅障泥  
用麻油染銜鐙禁金鍮石鍍金綴玉鞞鞞禁組及紫條器用禁金銀及  
鍍金屋舍不覆唐瓦不施飛簷不雕懸魚不飾以金銀鍮石五彩不磨  
階石不置三重階垣墻不施梁棟不塗石灰簾緣禁錦罽繡野草羅屏



風禁繡床不飾玳瑁沈香眞骨女梳禁瑟瑟鈿玳瑁布用二十八升已  
下色禁赭黃鞍橋禁寶鈿鞍鞵鞍坐子禁罽羅銜鐙禁裏金綴玉鞞鞞  
禁雜金銀絲組六頭品麻布用十八升已下褥子用純絹已下臆隨貴  
人行則不設自行則用竹簾若莞席鞍橋禁黃楊槐柘及金銀綴玉鞍  
鞵用皮鞍坐子用綿紬純布皮銜鐙併禁銀及鍍銀鞞鞞用皮麻不施  
重欂栳牙不飾以白蠟不置中階及二重階簾緣禁罽羅綾床不得飾  
紫檀黃楊不置重門及四方門廡容五馬六頭品女用布二十五升已  
下色禁紫紫粉金屑紅鞍橋禁紫檀沈香及裏金綴玉鞍鞵鞍坐子禁  
罽羅銜鐙禁金銀鑰石及鍍金銀障泥用皮鞞鞞不用組五頭品麻布  
用十五升已下褥子只用氈若布銜鐙不得鍍鏤金銀鞞鞞用麻器用

禁金銀及鍍金銀又不用虎皮毬毬毬毬

器用品同

室不用山榆木不

置獸頭不施花斗牙不以銅蠟爲飾簾緣禁罽羅綾絹純不作大門四方  
門廡容三馬五頭品女梳用素玳瑁已下布用二十升已下色禁黃屑  
紅緋鞍橋禁飾金銀玉鞍鞵鞍坐子禁罽羅綾羅虎皮銜鐙禁飾以  
金銀鞞鞞禁紫紫粉量條四頭品布用十三升已下四頭品女布用十  
八升色禁滅紫平人布用十二升已下平人女梳用素牙角已下布用  
十五升已下色與四頭品女同四頭品至百姓鞍橋禁飾以金銀玉鞍  
鞵用牛馬皮鞍褥用皮障泥用楊竹銜用鐵鐙用木鐵鞞鞞用筋若麻  
爲絞器用禁金銀鑰石朱裏平文物又禁大唐毯室不施藻井階砌不  
用山石廡容二馬四頭品女至百姓鞍橋禁黃楊槐

以下雜服



補隋書云新羅人服色尚素

補梁書曰新羅冠曰遺子禮襦曰尉解袴曰柯半靴曰洗

唐書曰新羅男子褐袴婦長襦不粉黛率美髮以繚首以珠綵飾之  
男子剪髮鬻冒以黑巾

補韻玉曰新羅衣服制凡色禁赭黃

補高句麗東明王十年禁庶人着文彩紗羅衣

補北史曰高句麗皆頭着折風形如弁士人加插二鳥羽

補成宗元年正匡崔承老上書曰衣服制度可因土風使奢儉得中不  
必相同

文獻通考曰郭元使宋言本國士女服尚素

靖宗九年禁中外錦繡綃金龍鳳紋綾羅衣服

文宗三十二年中書門下省請依宋制禁臣民着梔黃色衣從之

補宣宗三年詔曰群臣所上封事多言俗尚侈靡攸司據先王典禮衣  
服品制詳定以聞

補睿宗元年詔曰服飾之制上下混淆者自先代未有定法近雖立制  
以別尊卑第緣君臣不能行儉以率衆上下無等至於此極故曰百姓  
不從其所令從其所好又曰上之所行下必有甚者若君臣躬行節儉  
不奪民利則庶民觀感尊卑有別矣

十一年制曰尊卑服飾禮儀詳定所據祖宗式例沿革定制以聞

仁宗九年禁庶人羅衣絹袴奴隸革帶補停內外錦繡工



韻玉曰明宗遣使于金獻玉帶乃石乳非玉也有司奏之金主曰小國無辨識者誤以爲玉也其勿却之王聞之慚謝

元宗元年蒙古主詔衣冠從本國之俗皆不更易

忠烈王元年太史局言東方木位色當尙青而白者金之色也國人自着戎服多褻以白紵衣木制於金之象也請禁白衣服從之

四年令境內皆服上國衣冠

時自宰相至下僚無不開剃惟禁內學官不剃左承旨朴恒諭令學生皆剃因令境內皆服上國衣冠後元主問康守衡曰高麗服色何如對曰服韃靼衣帽至迎詔賀節則以高麗服將事元主曰人謂朕禁高麗服豈其然乎汝國之禮何可遽廢哉

二十五年申禁白衣笠

忠惠王後五年監察司令五教兩宗僧着緇衣

恭愍王六年司天監于必興上書言玉龍記云我國始于白頭終于智異其勢水根木榦之地以黑爲父母以青爲身若風俗順土則昌逆土則灾風俗者君臣百姓衣服冠蓋樂調禮器什用是也今後文武百官黑衣青笠僧服黑巾女服黑羅又於諸山栽松茂密凡器用鍮銅瓦器以順土風從之

李漬曰人謂我東尙青黑出自道說麗太祖崇信道說至矣訓要不及此忠烈元年太史局請禁白衣又不及道說至是始言玉龍記說若有此說宜僧徒之先遵而白衲白巾今古不變何也其



不可信如此據天下地圖衆水同歸于海則五岳山脉莫非木榦然殷人尚白而享國六百年後微子朝周有客白馬之詩可證與箕子白馬朝周之說合東俗因之厥享國又千歲安在乎木之受制也禮不忘本我國之白衣其義實協不但不必改亦不當禁也

補 羸虫錄曰高麗人好白衣

補 徐居正曰東方屬木宜尚青而尚白是金克木不可也以上十七字道

說 蓋陽中有陰陰中有陽屬青而尚白是陽中之陰也

補 鷄林志曰高麗人善染采紅紫尤妙云今紫色猶勝於中國

補 十三年吳王張士誠遣使來獻玉纓玉頂子綵段

補 十九年司憲府請易服色從之

補 二十三年禁人效胡剃額

補 韻玉曰辛禍好着白草笠奴隸之惡小者皆效之戴此笠詐稱大家

恭讓王三年中郎將房士良疏請士庶工商賤隸一禁紗羅綾段之服

金銀珠玉之飾詳見刑考

宋史曰高麗男子巾幘如唐裝婦人髻髻垂右肩餘髮被下約以絳羅賁之簪旋裙重疊以多爲勝

補 本朝經國大典 大小員人禁紅灰白色表衣白笠紅靴○庶人男女則並禁紅紫衣紫帶○深染灰色衣雨具白色衣士族婦女兒童京妓雜飾金銀珠玉正兵庶人白色衣勿禁○堂下官以下婚姻禁用紗



羅綾段罽毯士族婦女兒童京妓勿禁

補成宗八年輪對官白勛請令館學生以青衿團領行于京城街路上以問領經筵事金國光國光對曰先朝嘗欲行此而未果今使儒生異服則居館者必小矣上曰儒生而耻儒服是耻學聖人之道也其可乎知經筵事李克培曰若使之戴笠而服青衿必易從也上可之

補董越朝鮮賦云制履以皮雖泥行亦所不恤襪縛於袴縱水涉亦所不拘

補又曰襪履布韋足皆縱而不束衣襦布帛袖則濶而不長上衣則皆過膝下裳則皆垂堂

補又曰五色各隨所用所禁者紅白註云以王服御皆用故禁之

補又曰民戴草帽領皆垂珠頂或圓方色皆黑爐輿皂則穿四葉青衫頂加插羽庸人則衣數重麻布步曳長裾

補又曰衣皆素白而布縷多龜裳則離披而髮積亦䟽

補成俛曰許稠嘗判禮曹定上下服色儀制截然有分輕薄子深疾之號曰瘦鷹宰相

補李暉光曰一統誌云朝鮮戴折風巾服大袖衫所謂大袖衫未詳其制嘗見萬寶全書我國人物盡以濶袖大衣是必古制然矣折風巾未知何物頃歲我國海南漁人漂到浙江禮部刷還咨曰頭戴折風巾云蓋今笠子類也



補又曰羅濟笠不知所始以名觀之疑出於新羅百濟時也按高麗史辛禑元年始令各司胥吏着白方笠本朝爲外方吏人所着而黑之壬辰變後久廢不復崔有源爲京畿監司首令營吏依平時着羅濟笠吏等苦之未幾還廢

補尹國馨曰近世笠樣臺低坪廣衣袖甚窄見有高笠潤袖則人稱古體而笑之至有國令勸行古體而不從衣亦士庶尙白明宗朝曹植上疏有音哀服素之語故洪曇爲大司憲痛禁白衣士人以上表單衣皆用桃紅行之五六年還止 宣廟初年許魏明使所着紗帽直而高衣短袖潤舉國效之笠制亦因而臺高坪狹至十年間紗帽頂上微蹲平衣袖之潤稍減臺亦暫低此則國無

所令而自爾如是也亂生之後中原將士遍滿國中朝儀宜倣唐制啓請士族以上着笠下賤去笠着小帽而亂離之中非但未暇修飾窮民亦以備帽爲難且狃舊習脫笠相視頗以爲羞法司禁令亦嚴民猶不從或在家着笠出門便脫又或路上脫笠潛挾脇傍入門還着甚矣習俗之難變也

補趙克善曰我國民庶舊皆戴平涼子其制織竹爲之而素其體唯驛卒黑而戴之俗稱兩班爲黑笠者以民庶所着平涼子色素故也壬辰之亂有言倭賊遇兩班則必殺無貸一時大小人皆戴平涼子唐將怪而問之對者曰君父播越臣子不忍服美以庶人自處也唐將不知其權辭而聞而善之云西北人多戴毛氈笠蓋



近胡俗也自戊午渡遼之役興國中多有戴毛氈笠者轉相視效遍及四方丁卯變後士大夫亦或戴之武人則雖大官無不盡然毛氈笠或謂之戰笠此乃戰爭之兆也歟

又曰我國士庶所着笠子臺上高低隨時變易清江瑣語曰冠帶衣服之制因時好尚遷就變易潛與世道相符 中廟末年士庶常着笠樣臺上極重厚高大坪兒極狹時人謂之冬瓜臺上切餅坪兒猶有古人朴實底意思 明廟初金舜臯爲慶尙右兵使以前笠制不安於着雨帽就舊制增損其體甚輕快一時好之其體立變時人亦爲之金舜臯體其後漸至頂頭極低如覆食鉢蓋子邊坪極廣幾張小傘宛如僧笠帶亦好着廣多繪亦僧家所着

也未久復而宗禪科佛教大行此實其兆也云又自 宣廟中年笠制復高其頂至于末年頂極高邊極狹光海初年以後漸變其制遂至於邊極廣頂極低則乃所謂覆子臺上安盤坪兒近數年之間笠制又變而其變有漸初不覺其爲然又不知自何人始變而癸未甲申年來臺上突然高大坪兒則仍其極廣未知胡然而然也

許筠識小錄曰我國男子所着笠兒乃古所稱曲柄笠謝臨川所喜戴者

又曰國俗常時着笠子之外更無他着矣李浚慶兄弟慕華制貿於中原喜着冲正濂溪等冠人慕之至今盛行



李星齡曰 宣祖庚子年間木鞋始出於南中而遍於國中

李灑曰東俗以笠子及白布道袍爲最尊之服吉凶通用笠子之制源於折風笠折風者今爲遭喪之用禮不忘本也後張其四檐爲平涼子又坪其頂而漆之皆後出尤工而折風之名沒焉我東首被箕子之化變爲冠帶之邦箕子殷人殷尙白故東人至今衣必尙白有由來也亦安知折風之非殷冠耶禮云夏收殷皞註云皞之名出於幠幠覆也所以自覆飾也折風乃東方最古之服而亦廣檐深覆冠之有覆只此物爲然則不可謂無考也

趙憲東還封事曰中朝衣冠之制幘頭軟脚名曰鴈翅紅袍青袍襪積一如道袍而整齊端嚴儒巾之名或曰民字巾或竹結而裹以

緇布或紙糊而着漆其體端平不甚尖斜舉人及武學生俱服儒巾黑團領中外學生俱服襴衫蓋玉色而緣以青絹東士之所謂青衿者與此大異宦者之巾竹結布裹形如帽子有職者有簷無職者只着帽子但以布自前裹之垂其餘于項後所服之衣或穿帖裏或穿衣撤直領帶用細條兒雖侍立于榻前者止服此衣祿薄之宦亦所易備文武庶官皆佩牙牌以記職名而俱黑其綬宦者則赤以別之雖遠郡椽吏巾如書吏而稍高俱服團領蓋守令冠帶聽事則吏不敢不服其服而我國外邑之吏俱無禮服甚不如人形平壤義州等處吏服相同各司之吏他邑若令依此改之則雖刀筆之賤俱嚴禮服而庶無怪僻之習矣



補李暉光曰網巾古無其制明初道士所爲也太祖命頒天下使人無貴賤皆裹之國中唯琉球人着巾帽而其使臣問我國譯官曰貴國常時着網巾否答曰以無貴賤常着云則使臣吐舌曰我國人則常時不着云以此觀之中朝外唯我國人着網巾他國則不然矣

補又曰稗史曰馬尾裙始於朝鮮流入京師無貴賤服者日盛成化年間朝官皆服之此服妖也弘治初始有禁例云此即我國所謂驪裙也 祖宗朝爭尙此服而今則絕無亦出於一時好尙矣 補又曰今之耳掩舊稱披肩按征討錄 成廟朝命造披肩二千分賜士卒是也中朝則謂之煖耳雖盛冬必旨下後百官始得戴

之

補又曰 世宗朝一時士大夫衣服皆尙黃色而許稠則常着灰色褙襖云蓋黃色儉矣而灰色則尤儉矣余見平時朝士褙襖互用黃色蓋 祖宗朝餘習而自變後絕無亦世道之變也云

補又曰我國衣服器皿體制多襲唐舊聞中朝儒臣呂英命言中原有蓄古器古服者知爾國器服皆唐制古朴可觀云

補識小錄曰我國衣帽器用之物多古制男女所履足巾即古所謂襪也戎衣帖裏即褶袴也

補南鶴鳴曰我國帖裏之制最近於深衣故中古多爲文士便服蓋爲燕服之上衣而朝服之中衣至于今日專爲戎服而非武士



及臨陣則不服此衣未知其故許龜城興善障之庶曾孫也嘗言其曾祖遷葬改棺時見之則襲用帖裏而上衣太長下裳太短異於今人之所服云以此推之知禮之士亦不嫌於送終可知矣

宋徵殷曰我國人近古通士庶好質倭獺皮爲披肩即俗所謂耳掩也競以色黑者爲尙多歸高直以取而倭人坐取其利我國綿布盡歸敵土曹南溟植於丙寅承召時極言朝紳因加痛革自是其弊絕焉

李漢曰道袍者據通考即古大裘之制非遐裔之剗造而見於周禮周之禮必雜用前古之制以東俗推之亦或是殷制也余故曰笠子道袍及婦人雙紒繞首皆從箕子而東者也禮者所以不忘本也祭用此物其義當然也今禮重幅巾深衣幅巾源於東京初非古制東俗不樂則不必用也深衣必須廣布東俗布幅不廣費廣然後可得孔子居魯縫掖居宋章甫從時也既不可廢笠子則何必深衣而後可乎

英祖十三年正言李成中筵啓既以白衣嚴禁事方有申飭之教而雖以青衣言之人之所著名雖青衣色甚淺淡有非朝家所以欲着青衣之意亦爲申飭何如上曰自備局一體申飭可也

十四年命申嚴白衣之禁右叅贊李德壽疏言萬物始於東成於西東方之人尙西方之色蓋取其有始有終况東俗尙白前史多記之若隋書宋史及明朝董越所錄是已俗之成也數千年今而改之未見其



可也 上曰元亨利貞所包者元也惟元也故能永貞秋冬之所以成終亦春也我國尙白雖是先儒之言不過謂其俗尙也我國處於青丘立國以仁其色尙青所以從仁也况忠質文之迭更亦有隨時之道顧今世道刻薄生民蕭然朝廷之上未聞仁厚之風此時當尙青乎尙白乎

○正祖二十年三月以軍門將校軍服濫用大緞甲紗令以苧布三升等屬造服從訓練大將李柱國之言也

○憲宗十二年十月命通籍之文蔭武禁着白布袍

○今 上二十一年閏五月命衣製簡便令該曹具節目

教曰衣服之制有可變有不可變者如朝祭喪禮之服皆先聖遺制

此是不可變者也如私服之隨時裁宜務適其便此是可變者也本國私服如道袍直領筆衣中衣重重廣袖不便周旋求之於古亦甚相遠自今以後稍爲變通只着窄袖衣戰服絲帶以趨簡便著爲定式

禮曹判書李寅命疏略曰衣服變通甚涉重大節目裁定莫可擅便昨請令廟堂稟處及伏奉 批旨促以卽速舉行第伏念臣曹舉行只是稽考典式一遵已行之事至於狃例不敢自斷或請廟堂稟處或請儒賢收議矣就耳目所覩記言之 憲廟壬寅以堂下官帖裏事有問議之 教又於丁未以待衛軍服事亦有收議之命初無自本曹徑先裁定蓋重其事審其制之義也顧今公私服之一朝變通



豈一帖裏一軍服之可比哉尤不宜輕舉云云

領府事洪淳穆領議政金炳國右議政金炳德聯筭畧曰我朝公私衣服悉遵明朝制度著爲一王之制有非今日所可變改者也 聖教中有曰紅團領依通編原典例勿用臣等愚陋未聞有原典之勿用句語也且以盤領窄袖言之此非公服之制至若私服之只着窄袖衣戰服亦非原典所載之例未敢知奚所取而遽有此新式也經曰非先王之法服不敢服若一以簡便爲言則文章威儀於何可徵而亦豈用夏之義也近者兵丁服裝之變用異制已是駭惑今焉並與縉紳士民一朝改易是豈爲法於後世而使聞於隣國乎惟 聖明穆然遠覽亟收前旨以存舊典焉 批以紅團領乃通編原典之

所不載則是爲勿用常服黑團領乃 宣祖朝傳教定式而行之者則豈非古制乎朝叅常叅等時必用黑衣者蓋以黑爲重故今欲捨輕從重而至於盤領窄袖嘗仰瞻 南殿一二室 御眞本且有大明會典之可稽者公服之紅色綠色本與常服不同故公服則用幘頭也帶常服則用紗帽品帶恐不可合而論之私服雖無原典所載而窄袖衣戰服絲帶乃我國例着者故取其省略簡便而已初非荆行新式然則今此變通之常服私服按照通編及會典仍用本有例着之服而來筭句語非法不服亦豈用夏云者大非褻當甚庸慨歎如或上違 祖宗之典下拂衆庶之情予雖寡昧豈有此斷然行之乎且以兵丁之服言之彼銳我鈍因時適宜始也帖裏轉爲軍服本



增補文獻備考 卷八十一  
無一定膠守之規也花衣綵袴曾有武藝之服則今之新製有何異製之可駭可惑者乎顧今國勢文弱兵制靡弛舉懷苟安全事顧忌上令不行於下情不達於上迨此時也豈可因循偷惰不思所以振興之乎卿等其諒之

節目 私服窄袖衣無論貴賤皆可常服如道袍直領氅衣中衣自今以後皆宜除之○有官者加戰服胥役在官者同○儒生進見時及齋服儒巾靴子依舊外亦用盤領窄袖帶用絲帶生進幼學私服則亦用窄袖衣○庶民只着窄袖衣廝役同○窄袖衣或緣以他色或不施緣均可任便緣廣布帛尺一寸徒隸不得加緣○無官者不得服綺羅綾緞之屬○帶用廣帶施鎖釦束衣如也

帶之制餘無過周尺一尺或用絲帶垂綏無過周尺一尺○文武堂上官帶用紅紫色堂下官青綠色無官用黑色儒生革帶隨便用之○笠纓用狹小織組或絲或帛或珠只以固結無得垂餘○衣係僅足以固結無得廣長或用絲紐金釦○有服人常服及吊服用窄袖白衣帶用白色有官者加淡色戰服有服人或用麻布帶不得長垂  
又 教曰官服行將新製而舊件若改製以盤領則似甚苟且舊件只裁窄袖着之紅團領黑染着之若製新件則必以新製樣爲之有紋無紋勿拘

續命生進幼學依唐時士人例亦着袴襪



教曰今之戰服之制即古之半臂衣或稱綽子又稱搭襖唐時士人所競服而我國朝官亦曾着於章服之內者也向日傳教為其易曉而俗稱多以戰陣之服疑之云此雖由於不攷古之致而俗名既不雅節目中以搭襖改付票

續十月 教曰向來衣制變通不過燕服之祛繁就簡也泥古之見多以更張為疑夫燕服異於法服強拂人情殊非因俗之道自今縉紳士庶燕居所着任其從便

續二十三年正月 教曰凡係服飾自有定式所以別貴賤節財用也挽近汰侈之習漫無紀極閭巷之人皂隸之輩濫加紋繡競着細縠貴賤無分法網墮矣一衣之費動過編民一家之產如是而財用安得不

窘民生安得不困乎其自朝紳以下一切衣式第其等級無敢踰越此是率由而申明之意也令廟堂參考定式嚴立科條

補續大典 文武士庶並令尙青

新羅文武王四年令婦人亦服中朝衣裳

以下婦人服

補隋書新羅俗婦人辨髮繞頭以雜綵及珠為飾

高勾麗俗同

東京志曰新羅時以國都北方虛缺女子結髻於腦後因名北髻至今猶然

補羅制婦女前後幘用小文綾紗純以下色

唐書高勾麗女子首巾幘

補宋史高麗俗婦人餘髮被下約以絳羅貫之以簪



肅宗時宋使劉遠吳拭來聘在館宴次見鄉粧倡女召來上階指潤袖衣色絲帶大裙嘆曰此皆三代之服不意尙行於此

忠烈王十四年監察司榜露衣簷笠兩班妻郊外之服今嗇夫奴隸之妻亦皆着之自今一並禁斷

**補本朝** 太宗朝欲令本國女服悉從華制許稠啓曰臣昔赴燕過闕里入見孔子家廟見女服畫像與本國無異但首飾異耳事遂寢

**補世祖元年**直提學梁誠之上疏禁女服長衣以別男女之制也

**補古者**婦人出入無蓋頭奇虔創新樣以進後世遵用之

**補董越**朝鮮賦曰女鬢掩耳不見佩當首戴白圈直壓眉眶富貴者面乃蔽以黑繒貧賤者唾不掩於素裳自註云富貴家女婦首戴一

匡如大帽簷垂黑繒以蔽其面

**補曹伸瓊**錄云東方士族婦女出外皆以皂羅蒙圓笠四垂尺餘而戴之所以擁蔽其面蓋唐冪羅帷冒之遺制或謂之蓋頭

**補宣祖五年** 教曰我國大小男女必穿貫其耳作環珥而懸之取譏於中國甚可羞愧自今後一切痛革胡習曉諭中外其或憚不卽從者憲府嚴加懲罪

**補趙憲**東還封事曰中國男童不編其髮十五以下則剪而垂之十五以上則總於項後待二十然後乃冠女人既嫁者束髮於項而加以鬢髻背子背子袖甚濶而無長衣其長裙不施趨短其衣冠靚莊而猶有儉約之俗如此臣路見向化撻子之婦又見進貢廻還之輩



我國童男及婦人歛髮之容不幸近之

補又曰中國之腦包卽我國所謂耳掩也其制雖小而便於常着女人則惟老病者服之而其制尤小易備臣竊念國人耳掩好尙侈大常民則猶用兩次之皮女人毛冠幾用三次之皮其所謂大耳掩者幾用五次之皮以故皮價甚高貧而老病者雖欲買着而不得若令依此改之一禁侈大之習則庶乎皮價不湧而可以徧及于老病之人矣

補李晬光曰婦人髻髮與童子之辮髮出於胡俗禮法之家欲遵華制而舊俗難以猝變可慨也已

補識小錄曰士族婦女所戴遮首卽古所謂帷帽新婦牢宴所戴

捲首卽詩所謂副笄六珈也

補趙克善曰我國婦人以玄錦或紫錦全幅兩尺二寸中屈之爲兩重以厚紙帖其裡而戴之從額覆頂垂于後以加肩背謂之遮額自光海中年來率用玄錦爲表以絮爲裡以空其中貼戴頭上而謂之足頭里一時好尙遂變國俗遮額之制絕無矣

補李瀛曰今之婚禮新婦服袞衣潤袖大帶長裙卽中華之制按三國史宋使劉逵等來見鄉粧倡女潤袖衣色絲帶大裙曰此皆三代之服不意尙行於此卽今新婦服是也前此眞德主時金春秋入唐請襲華制受衣帶而還以夷易華至文武王四年革婦人之服同於華制文武王卽太宗王春秋之子也切切慕華至是盡



變男女之服可謂盛矣今之婦女窄袖短衫不知何自而貴賤通用殊可駭異人習見以為常又其暑月單衫則縮下縫捲以向上不得掩裳際則尤恠悖矣此服妖矣宜禁絕之

補安鼎福曰我國婦人之服衣裳不連而衣短不掩腰元世祖變易中國之俗男為袴褶窄袖女窄袖短衣下服裙裳意者此時從元制而後遂因循至今不變也

補又曰按文獻通考新羅婦人美髮繚首高麗髻髻垂右肩百濟則合兩道大抵相類而都只為殷之遺制今俗婦女必為髮髻兩道繞首屈其尾插於右以其纓垂之恰與卷蠹有與之語沕合盛世風彩宛如目見

補又曰今俗婚禮時首飾紅長衫之制出於明昇云

補英祖三十五年禁婦女加髻代以簇頭里

後還撤禁令復舊髻髻而嚴禁高大侈靡之習

補正祖十二年十月 教曰最是宜革而易祛者莫勝於加髻故曰禁加髻即明聖志紹盛烈之一端云爾然因廷議之不一齋志多年迄今因循近幸鴻臚抗論端揆繼陳予一聞而犁然再聞而渙然今筵乃歷詢大臣諸臣斷而決之大抵加髻之為樣見於禮經乎法書乎泝其本末非美制始也緝髮之容便成重首之飾爭尚夸大滋致翔貴汰靡者不顧傾產貧窶者幾至廢倫弊斯極矣此禁不可弛凡厥臣僚之立於朝者孰敢更以加髻一事煩聞乎典則已完期日且定今後不從令者家長坐罰即有司存焉咨爾中外臣庶須各悉聽莫犯邦憲

因通禮禹禎圭上疏



詢問大臣備  
堂後下此教

**禁髻節目** 婦人首飾亦有儀度巾幘冠帔雖不可攷要之加髻之出未踰數十年其源已乖於倣華其流漸痼於尙侈轉相效顰遂致騰踊甚至於富猶蕩產貧或廢倫惟我先大王痛懲未斃斷自宸衷設禁而祛之令行六七年國內化之不獨搢紳大夫咸仰變夷之制抑亦委巷婦孺克遵崇儉之美可久可大之業莫尙於此而有一賊臣欲逞其貪慾僭奢之習潛售其欺蔽熒惑之計敢以宮樣二字肆發筵席沮敗成憲由茲濫觴去益難醫此豈我先大王不變渝俗之本意也猗我 聖上一心繼述申禁之意累形筵席而廷臣莫或對揚弊習未免因循於是乎慨然興感臨朝詢咨乃以明聖志

紹盛烈爲 教廟議僉同斷之在上俾我 先大王用夏昭儉之盛德大業燦然復明於數十年之後行一事而衆善具焉非特鴻臚之叫閣相臣之納牖有慨於聖懷而然耳從今以往凡爲我東臣子者孰敢有歧貳於今日變亂於來許也哉十行絲綸旣垂金石之訓萬世典則永作關和之藏猗歟盛哉合行事件謹遵 下教條列于左

○一士族妻妾閭巷婦女凡係編髻加首本髮加首之制一切禁止

○一代髻之式娘子雙髻絲陽髻係是嫁前之制不可用之以編髮後髻爲之頭上所戴段依前以簇頭里爲之母論綿絮涼竹皆以黑色外裹○一今此禁制亶出於祛侈之 聖意誘以代用簇頭里如七寶之類如前飾用則有改制之名無昭儉之實也凡係首飾金玉



珠貝及眞珠唐紗眞珠套心之屬一併禁斷○一於由味巨頭味係是明婦常時所着人家讌婚所用勿爲禁斷○一簇頭里所飾旣載禁條則婚嫁時所用七寶簇頭里給貫出貫先爲禁斷令後冒犯者毋論首母女僧並移法司照律定配至於女僧之稱以雜佩買賣種種可痛可惡之習在所痛革從前自捕廳隨現痛治法意有在此後如有如此之類申明舊典分付捕廳窺察禁斷○一凡賤女人街上露面之類及公私賤並許令以本髮加首而貼髻加髻之制各別禁斷各宮房水賜里醫女針線婢各營邑女妓段本髮加首之上戴以加里了以示區別等威之意內醫女仍用冒緞餘則用黑三升

南陽洪氏家乘云我國禮法甚嚴士人之妻不敢乘有屋轎中古

猶存此風丙子亂後雖宰相家婦人往往乘馬李廷龜孫婦來觀騎驢監司洪命一長女進士趙相鼎妻往來舅家乘馬或驢以羅兀蔽面羅兀以紗垂四面掩面覆肩

續十七年申明加髻之禁時加髻之禁旣行民間婚娶時簇頭里之七寶繡飾浸復行持平安廷善上書論之 下教申禁

高麗顯宗五年禁民佩七首靖宗九年申禁文宗即位初制曰先朝所御倚床踏斗皆以金銀裝釘茵褥用金銀線織成罽錦宜代以銅鐵綾

絹以下雜飾

忠烈王時依上國例定諸王宰樞承旨班主夫人乘朱漆車三四品夫人黑漆車事竟不行



恭愍王玉圈子一在安東府司駐駕時所賜也

恭讓王時禮儀司以暑月只着紗帽觸熱甚艱請自四月至八月而

府用重簷青色盖六部判書代言班主通憲散騎以上用單簷青色

盖臺省用平簷皂盖三品用圓扇四品至六品用鶴翎扇以上顯任

官雨雪外不許着高頂帽文武官朝覲會同禁用灰白色事竟不行

本朝經國大典 二品以上乘輅軒堂上官持胡床鞍籠者前導觀察使又

持節正三品堂下官只持鞍籠一品鞍具大浪皮邊鞍綠色靴段轡甫

老飾骨鞦勒三條垂兒二品鞍具大浪皮邊鞍綠色靴段轡甫老飾骨

鞦勒三條垂兒三品鞍具堂上官大浪皮邊鞍綠色靴宗親彰善以下則用柳青色

飾骨鞦勒三條垂兒其餘三品白鹿角邊鞍二條垂兒四品鞍具白鹿

角邊鞍二條垂兒五六品鞍具白鹿角邊鞍一條垂兒七八九品鞍具

白鹿角邊鞍命崇品精乘四人

續大典 從一品以上及耆老所堂上官乘平轎子觀察使及從二品

以上官城外則乘雙馬轎曾經承旨者雖守令許乘義州東萊以邊臣

亦許乘二十二年初官以

補肅宗三十七年黃海監司鄭是先以乘轎難安陳疏右議政金昌

集曰受教中雖曰堂上官曾經承旨則乘雙轎未經承旨則乘獨

轎南武不可乘云而頃日尹就商以巡撫使出去事體與方伯相敵

故臣以乘轎為無妨矣官至監司留守則雖南武豈有不可乘之理

乎上曰監司留守異於他職許令乘轎



補柳馨遠曰國典赴燕使及諸道觀察使皆乘馬而今皆乘駕轎  
自明宗朝以後如此云當依法典乘馬

補許厚曰平時監司騎獨轎暑月則舉帳以日傘隨日影所及而  
遮之寒日則垂四面帳而行近間三面舉帳不知其爲犯僭於御  
輦云

補英祖二十三年時有以蔭同樞乘軒者 上曰繁纓小物也而夫  
子惜之朝著等威不可紊也非曾經京兆亞尹同敦寧者毋得乘軒  
著爲令

補哲宗九年命崇品許乘四人轎嚴禁有屋轎十二年命肩輿赴公  
及四人輿山輿一并嚴禁

續今 上十一年命曾經亞銓以上人許乘四人藍輿曾經三銓人  
許乘山輿

續二十二年命曾經賓客人雖非崇品許乘四人轎

續三十一年命廢平轎子輅軒



增補文獻備考卷之八十一

禮考 二十八

璽印

新羅南解王十六年得濊王印於北溟北溟人耕田得而獻之

文武王十五年以銅鑄百司及州郡印頒之

高句麗大武神王五年攻扶餘抵利勿林間金聲尋得金璽曰天賜拜受之

夫餘印文曰濊王之印

高麗明宗二年金主賜王金印一面馳紐

弘文館 纂輯 校正

夫餘印文曰濊王之印

前此及此後契丹遼金賜印煩不悉錄



補韻玉曰公嶮鎮有人掘地得銅印其文曰匡州防禦之印

忠烈王五年元賜僉議府正四品銅印一顆

七年元賜駙馬國王宣命征東行中書省印 此後元之賜印收亦煩不悉錄 ○元陞

僉議府為從三品賜印

十七年元賜王世子金印世子賜印前未有也

十九年元賜兩臺銀印一顆 補元陞僉議司為都僉議司從二品賜銀

印

補恭愍王十一年破紅巾賊獲元帝玉璽二顆金寶一顆金銀銅印等遣使獻于元

十八年以諸衙門印信體小並收禮儀司改鑄新印賜之

十九年明高皇帝賜金印一顆龜紐盤綬其文曰高麗國王之印

辛禡二年改鑄六曹印以舊印小也

七年以中外官印制無等改鑄之

補本朝 太祖即位初賜趙浚銀印使統內外兵馬

太宗三年明成祖皇帝即位遣左政丞河崙賀登極崙與副价趙璞李

詹等議曰天子既與天下更始則吾王之爵命印章不可因舊遂申禮

部以奏帝遣都指揮高得左通政趙居任等來賜誥命印章

補韻玉曰 英廟欲用欽賜體天牧民永昌後嗣為寶難其書篆者

朝廷薦姜希顏使書之

補國初禁諸司南行官員無得開印



經國大典 一品印方二寸九分二品二寸八分三品二寸五分四品  
二寸三分五六品二寸一分七品以下及土官並長一寸八分廣一寸  
三分二品以上妻印方一寸七分六品以上妻一寸四分七品以下妻  
一寸並用造禮器尺

補成宗二十四年命官教用大寶賜牌用施命之寶

補曹伸瓊錄曰 成宗乙巳冬鏡城人耕田得古印以獻其篆文曰  
引進使印兩隅刻云天泰四年記 上令弘文館考之引進使則高  
麗官名而天泰則元遼金史皆無考云

明宗二十一年罷內需司印內需司本不用印及用印宦官頗有憑公  
濟私之弊至是因司憲府司諫院啓罷之

其後  
復用

補宣祖三十一年明將水軍都督陳璘以本國統制使李舜臣戰功奏  
聞于明明帝賜舜臣都督印至今藏于本營

補三十三年領議政李恒福啓曰中外各衙門印信經變以後從其散  
失一不修造或用木印印跡易剝體制亦簡殊非所以傳信防奸之意  
也稍待明兵盡回京中粗安亦令該官鳩集材料及時鑄造宜當  
三十五年禮曹啓 王妃金寶卽流傳之寶也正位之後受賀之日設  
寶案爲當從之

光海初禮曹啓 先王朝權署國事印寶有無考之太廟各室所藏璽  
寶則皆無權署之寶今此告訢請諡表奏仍前當用白文而 大妃奏  
文則既有嘉禮時刻以王妃之寶當用此寶而寶字恐有所諱此亦似



難用之似當以朝鮮王妃之印新造安下似合權宜從之

仁祖二年大妃殿尊崇玉寶一顆方四寸三分二釐厚一寸二分龜

高二寸五分龜頭一寸四分

二十七年王世孫册封時禮曹啓王世子玉印方三寸六分厚八分五

釐龜高二寸一分龜體長四寸六分龜頭長一寸一分今此王世孫印

體制與王世子印宜有降殺請印方三寸四分厚八分龜高二寸龜體

長四寸四分龜頭長一寸印文則以王世孫印四字篆刻從之

補顯宗八年領議政鄭太和啓王世子玉印當書王世子之印而左右  
字數不適請去之字以王世子印四字書之從之

十年神德王后祔廟時金寶一顆鍊黃銅鑄成鍍金方三寸五分厚

八分龜高一寸五分重十二斤十四兩紅真絲纓子綬兒長兩尺

肅宗七年恭靖大王上謚號金寶用鍊黃銅鑄成鍍金方三寸五分

厚八分龜高一寸五分重五斤六兩紅真絲纓子綬兒長兩尺定安

王后金寶方三寸五分厚八分龜高一寸五分重五斤六兩

補九年右叅贊趙師錫筵啓江華十鎮堡中昇天長串廣城花島四堡

則乃是別將故獨無印信矣四堡皆軍器軍餉所任與各鎮邊將無異

而以白文傳與傳受事甚虛疎矣依召募別將例造給印信何如右議

政金錫胄曰此別將則非兵曹除拜之官乃留守所自差出者不給印

信必以此也師錫曰雖在本府差出亦爲啓下則與兵曹差出之別將

無異僧將亦有印信則別將之無印未如其可矣上曰分付該曹造



給印信

十二年大王大妃殿尊崇玉寶一顆方四寸三分二釐厚一寸二分  
 龜高二寸五分龜頭一寸四分  
 三十一年禮曹啓 宗廟第七室 懿仁王后玉寶 仁穆王后金寶  
 龜紐缺折 永寧殿第十一室 明宗大王金寶不存新造當否及  
 宗廟第七室 宣祖大王 懿仁王后光海時所上尊號玉寶四顆藏  
 在庫中埋安當否並收議領議政崔錫鼎以爲禮云祭服弊則改之而  
 遺衣則因而不補祭器弊則新之而宗器則存而不修爲其祖宗舊藏  
 貴在能守不可追有修補故耳今此 太廟所藏印章金寶之或傷或  
 缺由於歲月之滋久此固理勢之致然而數百年先代故物至今存留

豈非尤可貴重今若嫌其體模之不完而新造則外觀雖美有乖於保  
 守宗器之訓揆以事體實涉未安因而存之謹其藏護恐合禮意金寶  
 亡失與器存而傷缺者有別 明宗大王金寶另爲改造奉安恐合事  
 宜 上曰 太廟舊藏到今追補終涉未安因而存之謹其藏護誠爲  
 得宜 永寧殿第十一室上謚金寶不可不改造即速舉行 宗廟第  
 七室玉寶藏之庫中者埋安

新造 宗廟 太祖室 神懿王后金寶及永寧殿 穆祖 翼祖  
 度祖 桓祖四室大王及王后金寶初判中樞府事徐文重劄請追造  
 神懿王后金寶左叅贊李頤命劄曰 太廟寶冊謄錄即故相臣尙震  
 所錄而 神懿王后室無寶章此在兵燹前其非遺失可知 明宗室



寶係是始有而中失故不容不補追補元無之寶事涉重難 上曰  
 穆翼度桓四祖室俱無寶章實未可知故奉朝賀宋時烈有追補冊寶  
 之議議大臣稟處諸大臣議皆以為追補重難 上特命新造奉安  
 時又以 宗廟 太宗室上謚金寶 世宗室昭憲王后上謚金寶  
 中宗室章敬王后上謚金寶 宣祖室懿仁王后上尊號金寶及永  
 寧殿 定宗室上謚金寶 睿宗室仁惠王后上尊號金寶 仁宗  
 室世子時銀寶 仁聖王后金寶 明宗室仁順王后金寶凡九顆  
 載於謄錄而見失命新造追補旋以時詘命姑寢  
 上嘗得明朝成化年間所賜印跡於槐院故紙中 教曰明朝賜本篆  
 如昨以此摸刻作金寶藏置而用之蓋欲使後世子孫受此寶而嗣位

以毋忘明朝罔極之恩

補英祖六年 教曰各邑守令輩以俚語憚於改印以致字畫漫渙有  
 若以木頭踏出者然而因循累年不為改造以此為奸民輩偽造之階  
 良可慨然印踏若明白則雖欲以瓢片弄奸偽踏其可得乎初不能使  
 民無犯既犯之後從以議之此豈刑期無刑之道乎兵判金在魯曰外  
 方印跡不明之弊臣亦每以為慨然矣俚語云改印則遞職故或以此  
 為憚且改印時例納禮木十五疋於該曹故疲殘之邑辦此亦難易致  
 因循矣此後則如有利印皆令改造之意知悉各道監司何如令廟堂  
 各別申飭

補十三年兵曹判書朴文秀筵啓兵曹印信皆在內司堂郎許多文書



入送踏印而來故其間奸弊有不可勝言且時當緩急而或有軍機之及時傳令者則其將入送踏印耶軍機甚重決不可如是虛疎矣至於二軍色木同所捧一年內數至二千七百同故其文書浩繁奸偽百出國家之所失未知幾百同此不可無印信聞戶曹繕工監官員皆各有印云判書印信及二軍色郎廳印信造給似好矣從之

十四年江原監司進古印一顆啓曰原州民於田疇得古印印文曰同

簽太宗正事印後面刻天成

即後唐明宗年號而新羅景哀王三年

十六年 孝宗大王加上諡號金寶一顆方三寸五分厚一寸龜高一寸五分用禮器尺重九斤

補二十一年平安道昌城府民耕田得古印一顆背刻萬曆幾年造蓋

丁卯之亂府使金時若戰亡時見失者也府使李衡身牒報上送于監營監司李宗城回關下送使之寶藏本府

二十三年慶尙道右兵使啓獲一古印於江邊刻慶尙右道兵馬節度使印而篆畫宛然印後面刻萬曆十年三月日造來四月十一日爲始行用字畫亦皆不刊是癸巳城陷時右兵使崔慶會抱而投江者也上感而異之命鑄銅匣以藏之仍親製御銘及小序以記其事命藏於兵營

二十七年孝純賢嬪賜諡玉印一顆方三寸五分厚七分龜高一寸五分纓子用紅真絲綬兒長兩尺篆刻孝純賢嬪之印

王世孫册封時册封都監啓曾於教命安施命之寶而今此所下之寶



卽朝鮮王寶也與前有異不可不明白稟承永作後制 上曰此寶欲用於此摸古本而令尙方造入以此安寶後永爲定制

三十五年王世孫册封時玉印方三寸五分厚五分高二寸二分龜高二寸一分龜頭一寸一分真紅絲流蘇纓子

續五十二年 下教依 獻陵授孝婦銀印於 昭憲王后例親書孝孫二字命戶曹鑄銀印御集慶堂以鼓吹陪進親授乃命此後世孫動駕時以此前導

五禮儀動駕時大寶施命諭書昭信之寶各一 見 函 大寶刻朝鮮國王之印安事大咨文施命之寶安教旨與教書昭信之寶 英祖乙酉更稱以德寶安通信國書諭書之寶安諭書

宗廟第一室太祖至仁啓運聖文神武大王金寶一康獻至仁啓運聖文神武正義光德大王金寶一康獻至仁啓運應天肇統廣勳永命聖文神武正義光德大王金寶一太祖高皇帝玉寶一承仁順聖神懿王后金寶一神懿高皇后玉寶一順元顯敬神德王后金寶一神德高皇后玉寶一 第二室太宗恭定聖德神功文武睿哲成烈光孝大王金寶一聖德神功建天體極大正啓佑文武睿哲成烈光孝大王金寶一 元敬王后金印一 第三室世宗英文睿武仁聖明孝大王金寶一昭憲王后金寶一 第四室世祖承天體道烈文英武大王玉寶一承天體道烈文英武至德隆功聖神明睿欽肅仁孝大王金寶一貞熹王后慈聖王妃玉寶一慈聖欽仁景德宣烈明順元淑徽慎惠懿神憲大王



大妃玉寶一慈聖宣烈明順元淑徽慎惠懿神憲大王大妃玉寶一貞  
熹王后金寶一第五室成宗仁文憲武欽聖恭孝大王金寶一恭惠  
王后金寶一徽懿慎肅恭惠王后金印一貞顯王后慈順王大妃金印  
一慈順和惠昭懿欽淑貞顯王后金寶一第六室中宗徽文昭武欽  
仁誠孝大王金寶一恭昭順烈端敬王后金寶一宣昭懿淑章敬王后  
金寶一文定王后聖烈大王大妃金寶一聖烈仁明大王大妃金寶一  
文定王后上諡金寶一第七室宣祖正倫立極盛德洪烈至誠大義  
格天熙運大王玉寶一顯文毅武聖睿達孝大王上諡金寶一正倫立  
極盛德洪烈至誠大義格天熙運景命神曆弘功隆業顯文毅武聖睿  
達孝大王金寶一懿仁王后上諡金寶一章聖王妃玉寶一章聖徽烈

懿仁王后玉寶一章聖徽烈貞憲懿仁王后玉寶一章聖徽烈貞憲敬  
穆懿仁王后金寶一仁穆王后王妃金寶一昭聖王妃玉寶一昭聖貞  
懿王大妃玉寶一昭聖貞懿明烈大王大妃玉寶一光淑莊定仁穆王  
后上諡金寶一昭聖貞懿明烈正肅光淑莊定仁穆王后金寶一第  
八室仁祖憲文烈武明肅純孝大王上諡金寶一開天肇運正紀宣德  
憲文烈武明肅純孝大王金寶一仁烈王后王妃金寶一仁烈王后上  
諡金寶一明德貞順仁烈王后金寶一正裕明德貞順仁烈王后金寶  
一莊烈王后王妃金寶一慈懿王大妃玉寶一慈懿恭慎大王大妃玉  
寶一慈懿恭慎徽獻大王大妃玉寶一慈懿恭慎徽獻康仁大王大妃  
玉寶一貞肅溫惠莊烈王后上諡金寶一慈懿恭慎徽獻康仁淑穆貞



肅溫惠莊烈王后金寶一 第九室孝宗宣文章武神聖顯仁大王上  
謚金寶一 宣文章武神聖顯仁明義正德大王金寶一 欽天達道光毅  
弘烈宣文章武神聖顯仁明義正德大王金寶一 仁宣王后王妃金寶  
一 孝肅王大妃玉寶一 敬烈明獻仁宣王后上謚金寶一 孝肅貞範敬  
烈明獻仁宣王后金寶一 第十室顯宗王世孫玉印一 王世子玉印  
一 純文肅武敬仁彰孝大王金寶一 昭休衍慶敦德綏成純文肅武敬  
仁彰孝大王金寶一 明聖王后世子嬪玉印一 王妃金寶一 顯烈王大  
妃玉寶一 顯烈禧仁貞獻文德明聖王后金寶一 貞獻文德明聖王后  
上謚金寶一 第十一室肅宗世子玉印一 顯義光倫睿聖英烈大王  
玉寶一章文憲武敬明元孝大王金寶一 顯義光倫睿聖英烈裕謨永

運洪仁峻德章文憲武敬明元孝大王金寶一 顯義光倫睿聖英烈裕  
謨永運洪仁峻德配天合道啓休篤慶章文憲武敬明元孝大王金寶  
一 顯義光倫睿聖英烈裕謨永運洪仁峻德配天合道啓休篤慶正中  
協極神毅大勳章文憲武敬明元孝大王金寶一 仁敬王后册嬪玉印  
一 册妃金寶一 仁敬王后上謚金寶一 光烈仁敬王后玉寶一 光烈孝  
莊明顯仁敬王后玉寶一 光烈宣穆孝莊明顯仁敬王后金寶一 光烈  
宣穆惠聖孝莊明顯仁敬王后金寶一 光烈宣穆惠聖純懿孝莊明顯  
仁敬王后金寶一 仁顯王后册妃金寶一 復位金寶一 仁顯王后上謚  
金寶一 孝敬仁顯王后玉寶一 孝敬懿烈貞穆仁顯王后玉寶一 孝敬  
淑聖懿烈貞穆仁顯王后金寶一 孝敬淑聖莊純懿烈貞穆仁顯王后



增補文獻備考 卷八十一  
金寶一孝敬淑聖莊純元化懿烈貞穆仁顯王后金寶一仁元王后王  
妃金寶一惠順王妃玉寶一惠順慈敬王大妃玉寶一惠順慈敬獻烈  
大王大妃玉寶一惠順慈敬獻烈光宣大王大妃玉寶一惠順慈敬獻  
烈光宣顯翼大王大妃玉寶一惠順慈敬獻烈光宣顯翼康聖大王大  
妃玉寶一惠順慈敬獻烈光宣顯翼康聖貞德大王大妃玉寶一惠順  
慈敬獻烈光宣顯翼康聖貞德壽昌大王大妃玉寶一惠順慈敬獻烈  
光宣顯翼康聖貞德壽昌永福大王大妃玉寶一惠順慈敬獻烈光宣  
顯翼康聖貞德壽昌永福隆化大王大妃玉寶一定懿章穆仁元王后  
諡號金寶一惠順慈敬獻烈光宣顯翼康聖貞德壽昌永福隆化徽靖  
定懿章穆仁元王后金寶一惠順慈敬獻烈光宣顯翼康聖貞德壽昌

永福隆化徽靖正運定懿章穆仁元王后金寶一 第十三室英祖世  
弟玉印一至行純德英謨毅烈大王玉寶一至行純德英謨毅烈章義  
弘倫光仁敦禧大王玉寶一至行純德英謨毅烈章義弘倫光仁敦禧  
體天建極聖功神化大王玉寶一至行純德英謨毅烈章義弘倫光仁  
敦禧體天建極聖功神化大成廣運開泰基永大王玉寶一至行純德  
英謨毅烈章義弘倫光仁敦禧體天建極聖功神化大成廣運開泰基  
永堯明舜哲乾健坤寧大王玉寶一翼文宣武熙敬顯孝大王上諡金  
寶一至行純德英謨毅烈章義弘倫光仁敦禧體天建極聖功神化大  
成廣運開泰基永堯明舜哲乾健坤寧配命垂統景曆洪休翼文宣武  
熙敬顯孝大王金寶一至行純德英謨毅烈章義弘倫光仁敦禧體天



建極聖功神化大成廣運開泰基永堯明舜哲乾健坤寧配命垂統景  
曆洪休中和隆道肅莊彰勳正文宣武熙敬顯孝大王金寶一改諡金  
寶一貞聖王后世弟嬪玉印一王妃金寶一惠敬王妃玉寶一惠敬莊  
慎王妃玉寶一惠敬莊慎康宣王妃玉寶一貞聖王后上諡金寶一惠  
敬莊慎康宣恭翼貞聖王后金寶一惠敬莊慎康宣恭翼仁徽貞聖王  
后金寶一惠敬莊慎康宣恭翼仁徽端穆章和貞聖王后金寶一惠敬  
莊慎康宣恭翼仁徽昭獻端穆章和貞聖王后金寶一惠敬莊慎康宣  
恭翼仁徽昭獻元烈端穆章和貞聖王后金寶一貞純王后王妃金寶  
一睿順王妃玉寶一睿順聖哲王妃玉寶一睿順聖哲莊僖王大妃玉  
寶一睿順聖哲莊僖惠徽王大妃玉寶一睿順聖哲莊僖惠徽翼烈王

大妃玉寶一睿順聖哲莊僖惠徽翼烈明宣王大妃玉寶一睿順聖哲  
莊僖惠徽翼烈明宣綏敬王大妃玉寶一睿順聖哲莊僖惠徽翼烈明  
宣綏敬大王大妃玉寶一睿順聖哲莊僖惠徽翼烈明宣綏敬光獻大  
王大妃玉寶一睿順聖哲莊僖惠徽翼烈明宣綏敬光獻隆仁大王大  
妃玉寶一昭肅靖憲貞純王后上諡金寶一睿順聖哲莊僖惠徽翼烈  
明宣綏敬光獻隆仁正顯昭肅靖憲貞純王后金寶一 第十三室莊  
祖世子玉印一上諡玉印一思悼綏德敦慶弘仁景祉章倫隆範基命彰  
仁景祉玉印一思悼綏德敦慶弘仁景祉章倫隆範基命彰休金印一  
思悼綏德敦慶弘仁景祉章倫隆範基命彰休贊元憲誠啓祥顯熙金  
印一神文桓武莊獻廣孝大王金寶一懿皇帝玉寶一懿皇后世子嬪



增補文獻備考 卷八十一  
玉印一惠嬪玉印一孝康玉印一孝康慈禧玉印一孝康慈禧貞宣玉  
印一孝康慈禧貞宣徽穆玉印一孝康慈禧貞宣徽穆裕靖金印一仁  
哲啓聖獻敬王后金寶一懿皇后玉寶一第十四室正祖世孫玉印  
一孝孫銀印一文成武烈聖仁莊孝大王上諡金寶一敬天明道洪德  
顯謨文成武烈聖仁莊孝大王金寶一宣皇帝玉寶一宣皇后王妃金  
寶一王大妃玉寶一睿敬慈粹孝懿王后上諡金寶一莊徽睿敬慈粹  
孝懿王后金寶一宣皇后玉寶一第十五室純祖世子玉印一淵德  
顯道景仁純禧大王玉寶一文安武靖憲敬成孝大王上諡金寶一淵  
德顯道景仁純禧體聖凝命欽光錫慶文安武靖憲敬成孝大王金寶  
一淵德顯道景仁純禧體聖凝命欽光錫慶繼天配極隆元敦休文安

武靖憲敬成孝大王金寶一淵德顯道景仁純禧體聖凝命欽光錫慶  
繼天配極隆元敦休懿行昭倫熙化峻烈文安武靖憲敬成孝大王金  
寶一淵德顯道景仁純禧體聖凝命欽光錫慶繼天配極隆元敦休懿  
行昭倫熙化峻烈大中至正洪勳哲謨文安武靖英敬成孝大王金寶  
一改諡金寶一淵德顯道景仁純禧體聖凝命欽光錫慶繼天配極隆  
元敦休懿行昭倫熙化峻烈大中至正洪勳哲謨乾始泰亨昌運弘基  
文安武靖英敬成孝大王金寶一淵德顯道景仁純禧體聖凝命欽光  
錫慶繼天配極隆元敦休懿行昭倫熙化峻烈大中至正洪勳哲謨乾  
始泰亨昌運弘基高明博厚剛健粹精文安武靖英敬成孝大王金寶  
一淵德顯道景仁純禧體聖凝命欽光錫慶繼天配極隆元敦休懿行



昭倫熙化峻烈大中至正洪勳哲謨乾始泰亨昌運弘基高明博厚剛  
 健粹精啓統垂曆建功裕範文安武靖英敬成孝大王金寶一肅皇帝  
 玉寶一肅皇后王妃金寶一明敬王妃玉寶一明敬文仁大王大妃玉  
 寶一明敬文仁光聖大王大妃玉寶一明敬文仁光聖隆禧大王大妃  
 玉寶一明敬文仁光聖隆禧正烈大王大妃玉寶一明敬文仁光聖隆  
 禧正烈宣徽大王大妃玉寶一明敬文仁光聖隆禧正烈宣徽英德大  
 王大妃玉寶一睿成弘定純元王后上謚金寶一明敬文仁光聖隆禧  
 正烈宣徽英德慈獻顯倫睿成弘定純元王后金寶一明敬文仁光聖隆禧  
 正烈宣徽英德慈獻顯倫洪化睿成弘定純元王后金寶一明敬文仁光聖  
 隆禧正烈宣徽英德慈獻顯倫洪化睿成弘定純元王后金寶一明敬

文仁光聖隆禧正烈宣徽英德慈獻顯倫洪化神運睿成弘定純元王  
 后金寶一明敬文仁光聖隆禧正烈宣徽英德慈獻顯倫洪化神運粹  
 穆睿成弘定純元王后金寶一肅皇后玉寶一 第十六室文祖世子  
 玉印一孝明世子玉印一敦文顯武仁懿孝明大王金寶一體元贊化  
 錫極定命敦文顯武仁懿孝明大王金寶一體元贊化錫極定命聖憲  
 英哲睿誠淵敬敦文顯武仁懿孝明大王金寶一體元贊化錫極定命  
 聖憲英哲睿誠淵敬隆德純功篤休弘慶敦文顯武仁懿孝明大王金  
 寶一體元贊化錫極定命聖憲英哲睿誠淵敬隆德純功篤休弘慶洪  
 運盛烈宣光濬祥敦文顯武仁懿孝明大王金寶一體元贊化錫極定  
 命聖憲英哲睿誠淵敬隆德純功篤休弘慶洪運盛烈宣光濬祥堯欽





舜恭禹勤湯正敦文顯武仁懿孝明大王金寶一體元贊化錫極定命  
聖憲英哲睿誠淵敬隆德純功篤休弘慶洪運盛烈宣光濬祥堯欽舜  
恭禹勤湯正啓天建統神勳肅謨敦文顯武仁懿孝明大王金寶一體  
元贊化錫極定命聖憲英哲睿誠淵敬隆德純功篤休弘慶洪運盛烈  
宣光濬祥堯欽舜恭禹勤湯正啓天建統神勳肅謨乾大坤厚廣業永  
祚敦文顯武仁懿孝明大王金寶一體元贊化錫極定命聖憲英哲睿  
誠淵敬隆德純功篤休弘慶洪運盛烈宣光濬祥堯欽舜恭禹勤湯正  
啓天建統神勳肅謨乾大坤厚廣業永祚莊義彰倫行健配寧敦文顯  
武仁懿孝明大王金寶一體元贊化錫極定命聖憲英哲睿誠淵敬隆  
德純功篤休弘慶洪運盛烈宣光濬祥堯欽舜恭禹勤湯正啓天建統

神勳肅謨乾大坤厚廣業永祚莊義彰倫行健配寧基泰垂裕熙範昌  
禧敦文顯武仁懿孝明大王金寶一體元贊化錫極定命聖憲英哲睿  
誠淵敬隆德純功篤休弘慶洪運盛烈宣光濬祥堯欽舜恭禹勤湯正  
啓天建統神勳肅謨乾大坤厚廣業永祚莊義彰倫行健配寧基泰垂  
裕熙範昌禧立經亨道成獻昭章敦文顯武仁懿孝明大王金寶一體  
元贊化錫極定命聖憲英哲睿誠淵敬隆德純功篤休弘慶洪運盛烈  
宣光濬祥堯欽舜恭禹勤湯正啓天建統神勳肅謨乾大坤厚廣業永  
祚莊義彰倫行健配寧基泰垂裕熙範昌禧立經亨道成獻昭章致中  
達和繼曆協紀敦文顯武仁懿孝明大王金寶一體元贊化錫極定命  
聖憲英哲睿誠淵敬隆德純功篤休弘慶洪運盛烈宣光濬祥堯欽舜



恭禹勤湯正啓天建統神勳肅謨乾大坤厚廣業永祚莊義彰倫行健  
配寧基泰垂裕熙範昌禧立經亨道成獻昭章致中達和繼曆協紀剛  
粹景穆峻惠衍祉敦文顯武仁懿孝明大王金寶一翼皇帝玉寶一體  
元贊化錫極定命聖憲英哲睿誠淵敬隆德純功篤休弘慶洪運盛烈  
宣光濬祥堯欽舜恭禹勤湯正啓天建統神勳肅謨乾大坤厚廣業永  
祚莊義彰倫行健配寧基泰垂裕熙範昌禧立經亨道成獻昭章致中  
達和繼曆協紀剛粹景穆峻惠衍祉宏猷慎徽裕緒祐福敦文顯武仁  
懿孝明翼皇帝玉寶一翼皇后孝裕獻聖王大妃玉寶一孝裕獻聖宣  
敬王大妃玉寶一孝裕獻聖宣敬正仁王大妃玉寶一孝裕獻聖宣敬  
正仁慈惠大王大妃玉寶一孝裕獻聖宣敬正仁慈惠弘德大王大妃

玉寶一孝裕獻聖宣敬正仁慈惠弘德純化文光大王大妃玉寶一孝  
裕獻聖宣敬正仁慈惠弘德純化文光大王大妃玉寶一孝裕獻  
聖宣敬正仁慈惠弘德純化文光大王大妃玉寶一孝裕獻  
聖宣敬正仁慈惠弘德純化文光大王大妃玉寶一孝裕獻  
裕獻聖宣敬正仁慈惠弘德純化文光大王大妃玉寶一孝  
玉寶一孝裕獻聖宣敬正仁慈惠弘德純化文光大王大妃玉寶一孝  
隆穆大王大妃玉寶一孝裕獻聖宣敬正仁慈惠弘德純化文光大  
肅烈明粹協天隆穆壽寧大王大妃玉寶一孝裕獻聖宣敬正仁慈惠  
弘德純化文光大元成肅烈明粹協天隆穆壽寧禧康大王大妃玉寶一  
孝裕獻聖宣敬正仁慈惠弘德純化文光大元成肅烈明粹協天隆穆壽



寧禧康顯定大王大妃玉寶一孝裕獻聖宣敬正仁慈惠弘德純化文  
光元成肅烈明粹協天隆穆壽寧禧康顯定徽安大王大妃玉寶一孝  
裕獻聖宣敬正仁慈惠弘德純化文光元成肅烈明粹協天隆穆壽寧  
禧康顯定徽安欽倫大王大妃玉寶一孝裕獻聖宣敬正仁慈惠弘德  
純化文光元成肅烈明粹協天隆穆壽寧禧康顯定徽安欽倫洪慶大  
王大妃玉寶一孝裕獻聖宣敬正仁慈惠弘德純化文光元成肅烈明  
粹協天隆穆壽寧禧康顯定徽安欽倫洪慶泰運大王大妃玉寶一孝  
裕獻聖宣敬正仁慈惠弘德純化文光元成肅烈明粹協天隆穆壽寧  
禧康顯定徽安欽倫洪慶泰運昌福大王大妃玉寶一孝裕獻聖宣敬  
正仁慈惠弘德純化文光元成肅烈明粹協天隆穆壽寧禧康顯定徽

安欽倫洪慶泰運昌福熙祥大王大妃玉寶一景勳哲範神貞王后上  
謚金寶一孝裕獻聖宣敬正仁慈惠弘德純化文光元成肅烈明粹協  
天隆穆壽寧禧康顯定徽安欽倫洪慶泰運昌福熙祥懿謨景勳哲範  
神貞王后金寶一孝裕獻聖宣敬正仁慈惠弘德純化文光元成肅烈  
明粹協天隆穆壽寧禧康顯定徽安欽倫洪慶泰運昌福熙祥懿謨睿  
憲敦章景勳哲範神貞王后金寶一翼皇后玉寶一孝裕獻聖宣敬正  
仁慈惠弘德純化文光元成肅烈明粹協天隆穆壽寧禧康顯定徽安  
欽倫洪慶泰運昌福熙祥懿謨睿憲敦章啓祉景勳哲範神貞翼皇后  
玉寶一第十七室憲宗世孫玉印一經文緯武明仁哲孝大王上謚  
金寶一體健繼極中正光大經文緯武明仁哲孝大王金寶一體健繼





增補文獻備考 卷八十一  
極中正光大至聖廣德弘運章化經文緯武明仁哲孝大王金寶一孝  
顯王后王妃金寶一孝顯王后金寶一敬惠靖順孝顯王后玉寶一端  
聖敬惠靖順孝顯王后金寶一端聖粹元敬惠靖順孝顯王后金寶一  
第十八室哲宗熙倫正極粹德純聖大王玉寶一英孝大王上謚金寶  
一熙倫正極粹德純聖欽命光道敦元彰化文顯武成獻仁英孝大王  
金寶一哲仁王后王妃金寶一明純王妃玉寶一明純徽聖大妃玉寶  
一明純徽聖正元大妃玉寶一明純徽聖正元粹寧大妃玉寶一敬獻  
莊穆哲仁王后上謚金寶一 永寧殿第一室穆祖仁文聖穆大王金  
寶一孝恭王后金寶一 第二室翼祖康惠聖翼大王金寶一貞淑王  
后金寶一 第三室度祖恭毅聖度大王金寶一敬順王后金寶一

第四室桓祖淵武聖桓大王金寶一懿惠王后金寶一 第五室定宗  
恭靖懿文莊武溫仁順孝大王金寶一溫明莊懿定安王后金寶一  
第六室文宗欽明仁肅光文聖孝大王金寶一顯德王后顯德嬪金印  
一顯德王后金寶一仁孝順惠顯德王后金寶一 第七室端宗純定  
安莊景順敦孝大王金寶一端良齊敬定順王后金寶一 第八室德  
宗懿敬世子玉印一溫文懿敬大王金寶一懷簡宣肅恭顯溫文懿敬  
大王金寶一昭惠王后孝婦粹嬪銀印一仁粹王妃玉印一仁粹王大  
妃玉印一仁粹慈淑大王大妃金印一仁粹徽肅明懿昭惠王后金寶  
一 第九室睿宗武勝安民金寶一欽文聖武懿仁昭孝大王金寶一  
章順王后章順嬪白鐵印一徽仁昭德章順王后金寶一安順王后仁



惠王大妃玉印一 昭徽齊淑安順王后金寶一 第十室仁宗獻文懿  
 武章肅欽孝大王金寶一 仁聖王后世子嬪銀印一 恭懿王大妃金寶  
 一 第十一室明宗獻毅昭文光肅敬孝大王金寶一 仁順王后懿聖  
 王大妃金寶一 第十二室元宗敬德仁憲靖穆章孝大王玉寶一 敬  
 懿貞靖仁獻王后玉寶一 第十三室景宗世子玉印一 德文翼武純  
 仁宣孝大王上謚金寶一 端懿王后册嬪玉印一 端懿嬪上謚玉印一  
 端懿王后追上册禮金寶一 恭孝定穆端懿王后追上徽號玉印一 宣  
 懿王后册嬪玉印一 册妃金寶一 敬順王大妃尊號玉寶一 孝仁惠穆  
 宣懿王后上謚金寶一 第十四室眞宗世子玉印一 孝章世子玉印  
 一 承統世子銀印一 溫良睿明哲文孝章大王追上謚金寶一 孝純王

后世子嬪玉印一 賢嬪玉印一 孝純賢嬪玉印一 承統孝純賢嬪銀印  
 一 徽貞賢淑孝純王后金寶一

御寶有大寶

用於事大文書

施命之寶

用於敕命教書

以德寶

用於通信文書

信之寶

乙酉改以德寶

諭書之寶

用於諭書

科舉之寶

用於紅白牌

宣賜之記

宣祝

端輔

同文之寶

並用於賜書籍

奎章之寶

用於御製銘識

濬哲之寶

用於閣臣教旨

之寶

用於春坊教旨

欽文之寶

命德之寶

廣運之寶

今並廢 大朝鮮

國寶

大朝鮮大君主之寶

用於交隣旋廢

大韓國璽

皇帝之璽

皇帝之

寶

勅命之寶

制誥之寶

施命之寶

大元帥寶

元帥之寶

補世祖九年命刻草啓字圖章印啓下文書以爲標

以下係圖書

補十一年 教曰凡分軍命將發兵等事須考制勝圖書凡啓下公事



考啓字圖書凡問字公事某啓公事等考定字圖書

○正祖朝奎章閣牙牌有三 其一一面篆刻奎章閣三字及御署一面篆刻命字依宋朝殿閣學士牙牌宣召例每當宣召在直閣臣請出其一篆刻內府書籍命入牌置大內 其一篆刻內府書籍請出牌置本院凡有書籍命入或請出之時必填其書名而請出時則必書請出閣臣姓名

○奎章閣印信有二 一曰奎章閣學士之印 提學直提學主之 一曰摛文院

印 直閣待教主之

○列邑戶長自前有入刻印信

○三年命改鑄印信時印信之年久訛謬違禮器尺者甚多禮曹以聞

上命就議大臣稟處禮曹判書李福源與領議政徐命善同議以啓言許多印信有難一時改鑄而至於奉使印信之行用者及各司印信之漫漶不可辨者宜先改鑄以給從之

○今 上三十一年勅任官勅旨署御押鈐御璽奏任官則只鈐御璽國書條約批准外國派遣官員委任狀在留各國領事官認可狀署御押鈐御璽



增補文獻備考卷之八十一

增補文獻備考卷之八十二

禮考 二十九

禮臣

補新羅文武王四年賜金庾信几杖 詳見職官考

補八年賜金庾信輿仗上殿不趨

補聖德王十一年王曰今中外平安高枕無憂有角干之賜也夫人儆戒相成陰功亦多寡人未嘗忘于心思欲報之命金庾信妻金氏歲賜南城租一千石

補憲德王十一年國制大臣年七十致仕例賜几杖王之世忠永貞元

弘文館 纂輯 校正



是也憲貞病不能行年未七十亦賜金飾紫檀杖

高麗太祖十九年大匡裴玄慶疾篤王親幸其第問疾王出門而玄慶卒王駐駕命官庀葬事而後還

補成宗八年教曰聞朝野士庶之病者未能見醫亦無藥物不得瘳者多矣自今內外文官五品武官四品以上疾病並令本司具錄以聞遣醫費藥往治之

補十五年內史令徐熙患疾在開國寺王駕幸問疾以御衣一襲馬三匹穀千石分施寺院凡所以祈命者無所不為明年頒祿熙病尚未愈命有司曰今日雖未及致仕以疾病未得侍朝宜給致仕祿

補穆宗時太師韓彥恭病王賜車二乘往浴溫泉命州縣供給

補十年姜邯贊大破契丹兵凱還獻俘王結綵棚備宴樂親迎于迎波驛以金花八枝親插邯贊頭右執金觴左執邯贊手慰歎不已○邯贊請老不允賜几杖令三日一朝

補二十一年侍中崔士威請老不允令五日一朝○德宗即位命五日一朝入省視事

補文宗七年賜侍中崔冲几杖視事

詳見職官考

補睿宗二年侍中魏繼廷再上表辭祿詔曰因疾解官甚惜其去又從而辭祿非朕所以優賢敬老之意宜令有司給二分祿

補六年平章事金上琦致仕特命肩輿入內上殿不趨

補八年徵前禮部員外郎郭輿處禁中稱為先生時稱金門羽客



增補文獻備考 卷八十二  
補十二年清平居士李資玄召赴行在王曰道德之老嚮風久矣不宜以臣禮見命上殿拜賜坐茶湯從容相語

補忠宣王在元以趙仁規爲平壤君開府置官屬遣承旨金之兼啓王曰仁規年高德邵爲國元老許朝會玉帶傾蓋贊拜不名劔履上殿國有大事僉議密直一人就家咨稟王從之○左中贊洪子藩請老忠烈王賜象牙杖以寵之○李兆年以嚴見憚每入見忠惠王聞履聲曰兆年至矣屏左右整容而待

補贊成事孫洪亮致仕還鄉紅賊之亂恭愍王南幸洪亮迎謁中路仍護駕入京及歸王親寫其眞兼賜珊瑚杖以寵之

補元松壽慎重名器王敬重之常見松壽至必起待

補本朝 太祖三年漢山君趙仁沃遘疾纏綿至于屢歲 上醫問不絕命禱于神祇

太宗十三年 上講武海州次平州鷄林君李升商計至金汝知以驅禽之令已出不以聞 上聞之責汝知曰爾等嘗讀春秋大臣之卒何不卽聞輟朝三日素膳翌日次于海州汝知曰風霜草野累日素膳恐未爲可 上曰子爲父服喪三年父亦爲子有服臣爲君服三年君爲臣豈獨無恩

上賜代言李明德陸進恭柑子各一器曰予知卿等皆有老母故賜之予每恨於 齊陵未盡榮養也

補世宗壬寅錦川府院君朴嘗病重 太上王賜醫藥遣中使問候相



屬且分御厨遣內饗人于其第曰朝夕所膳視予所御

世宗朝 上召集賢殿諸臣秉燭論難至夜分遂賜酒 上亦降御榻

平坐先執爵以勸成三問朴彭年及申叔舟等皆仆上前不省人事

上命中官撤取門楣作擔以次輿出列臥于入直廳是夜大雪諸臣醉

醒則異香滿室渾身覆以貂皮衾乃 上手自覆也

補文宗久在承華沉潛學問每月明人靜或手携一卷步至集賢直

廬與之問難時成三問等諸臣直殿夜不敢輒解冠帶一夕宵刻將

半謂鶴駕不復出脫衣欲眠忽聞戶外有曳履聲呼謹甫

成三問字

而至

乃 文廟也講論極歡而罷

補世祖甚重文靖公安止嘗坐事貶于本貫康津縣下諭監司每進膳

封餘必賜止受答以啓如是優遊數年一日朝叅 上至御座而申叔

舟韓明澮諸人不及班乃追謝曰適有故友自遠方至共訪欸懷不覺

晚到 上問遠方之友爲誰對曰安止 上喜曰吾亦欲見火急召來

當爲此人設宴卽令進宴終日欸洽陞秩崇政

補上於鄭昌孫深加眷注嘗曰予之敬卿無異叔父如值進爵 上必

改容下御座曰此非君臣大義乃展私禮也仍宣諭在座群臣昌孫性

不能酒座上爲設醴必親嘗賜之至年深難於趨拜或命免拜上殿其

尊禮敬重如此

補上以韓繼禧學問精邃勤謹奉公當其罹疾濱死特甚軫慮手製文

禱之病間召見便殿謂公曰汝憐我心我憐汝色我嘗病卿嘗救之卿



增補文獻備考 卷八十二  
今病我亦憂之其憂之也深故至不欲聞卿姓名不圖今日得見卿面  
慰勞甚至

補上常御便殿獨召都承旨李坡引其手以龍顏摩其面顧謂世子曰  
此他日汝臣也其勿忘親爵酒以飲之

補上寵待金國光擢拜兵曹叅判專委戎政每稱如國光者眞文武全  
才也親書事知第一四字以寵之一日御便殿手匙御飯賜公食傾日  
角襯其面謂老宦安路曰 祖宗朝君臣相得亦有如是者乎對曰歷  
事 四朝未嘗見如今日者戊子元日會禮宴時舊例首相押班進爵  
而特命國光以左贊成進爵盖特恩也

補成宗嗣位遵 世廟故事以曾經議政如申叔舟韓明澮等二三勳

相坐政院議國政謂之院相日仕政院叅贊機務

補十年 上御書講侍讀官李昌臣遘疾不入侍 上使內醫持藥救  
療仍命今後經筵官之在闕有疾者皆用此例

補十五年直提學金訢以其父友臣在丹陽任所而病亟請往見 上  
命給馬賜以藥餌 教曰予舊學于友臣友臣予之甘盤也其遣良醫  
護視

補俞好仁以文章最承恩寵親老乞養由修撰除居昌由校理除義  
城最後以掌令又乞歸養御札下銓曹曰好仁事親日短可除其隣  
晋州牧使銓曹辭以不可無故以毀成憲乃待陝川之闕除之好仁  
雖在外任 上令歲抄錄進所著詩文輒賜褒美恩渥迥出常數人



皆艷之好仁常乞歸省母 成廟親餞中酣作歌以歌之好仁感泣左右亦爲之感激 上密遣人迹其行曰予未忘于懷渠亦念我乎受命者追及之至一驛亭好仁登樓北望夷猶久之遂書壁上一律曰北望君臣隔南來母子同還奏其狀 上曰然渠亦念我乞縣除義城密諭監司曰好仁余之友也爲親屈百里善視之未幾監司考下下 上怒之問監司曰予曾有命何以殿好仁對曰國家設守宰非爲榮其身爲其親民而軌物也今好仁吟風弄月不治官事是以謫之

補俞好仁在玉堂 成廟恩顧特優學士無比每月夜從宦者數人遊慶會樓池中小舟僅受五六人獨命好仁從之有若唐玄宗之待

謫仙也好仁以校理豹直 上從小宦一人夜臨直廬好仁驚起上命只着紗帽而坐從容談論 上見其袖袂露破絮黃染色退還 上曰爾歷官清要儉素如此可尚也命宦者持御被來因以覆之而

補曹偉大被 成廟知獎以親老乞養除咸陽郡守命每歲錄進所製詩特加褒獎命賜父母米豆又下書諭曰爾以文章致身昵侍經幄爲予所器者久矣以親老辭職求養得除近邑盖出於不得已也予以爾侍從之故下諭監司致餼于爾親使鄉里知爾以稽古之力榮及其親爾其知悉偉上箋陳謝及在郡丁內艱又命賜賻祭米豆外官賻典前所未有云



補上寵待孫舜孝甚至一日以大提學命召使製進事大表文晚後舜孝始至露髮不斂酒氣滿面 上曰卿既醉恐不能作文招提學與之撰定舜孝固請結撰且書副本 上撤御硯與之舜孝須臾而就文不加點筆無可刊 上大喜即付承文院封裏以送仍命供宴以樂之又呼韻賦詩命宮人彈琵琶而歌之極飲命舜孝起舞舜孝醉倒 上解藍錦段帖裡以覆之○舜孝嘗以江原監司一日入京肅拜 上御便殿引接賜酒良久而罷舜孝即日下直還去兩司以未有召命擅離藩任請罷 上引見兩司賜酒曰久離榻下思戀其主來見而去人臣至情罪之輕重予未及知兩司踧踖而退

補成希顏以弘文正字丁憂除闕謝恩 上召至闕門外勞之命中

官臂一鷹以賜曰爾有老母公退有暇可以郊獵助供滋味又入夜對賜酒果希顏袖柑橘十數枚因醉伏不省中官扶出之袖柑墮散于地明日下柑橘一盤于玉堂 教曰昨日希顏袖橘意欲遺親故賜之

補上常三時講書夜引玉堂入直之士與之討論因賜酒從容問古今治亂民間利病便服相對或至夜分賜御前燭送歸直廬

補內府蓄水精盃一雙稀世絕寶華使鄭同見之欲得其一 上以祖宗舊物不許一日宣醞于銀臺出圓杯使斟之諸臣到手輒傾不覺醉倒成覘性不飲酒令吏點茶急瀉熱湯中忽柝裂以方杯賜書堂 下教曰非欲使爾等沈湎用以示予珍重之意時姜渾申用漑



金駟孫在書堂謀壽其傳臺金而鏤銘曰清不涅虛能受德其物思勿負每法醞至倒訖宣盃一巡即置匣藏 中宗朝又賜仙桃盃

明宗朝又賜琥珀杯沈守慶作謝箋曰與水精仙桃而並傳于 成宗 中廟而益顯鄭惟吉寫此句於堂中

補嘗內宴卿宰近侍于北所以金應箕嘗侍講性理大全而職非弘文館不能與宴命賜羊酒于其家

補中廟初朴元宗柳順汀成希顏相繼為相世稱中興三大臣 上禮待異常朝退則為之起立出門然後復位三臣未之知也希顏老病一日自公委蛇甚從容自得至門中禁言曰相公不知 上起立耶何行之緩也希顏流汗滿面曰老夫不知死所矣

補金緣坐直玉堂嘗月夜讀綱目 上步出自宮携酒饌以侑之 教

曰今夜月明如此聞爾讀書聲予故至此何用君臣禮宜以朋友相對遂與之酬酢又 教曰誦聲清雅必善歌曲試為予歌之緣請自製新詞以奏之歌二闕 上大加稱賞曰聞爾有老母賜以貂裘其歸遺之

補三十八年金安國病篤 上遣承旨問疾政院以非三公遣承旨無故例為言 上曰金安國雖非三公盡心國事其特遣承旨問之及卒悼惜之賜賻祭加等

補明宗朝嘗幸後苑賜侍臣酒尚震素不能飲醉仆道左 下教曰相臣在路傍過行未安命以帳障圍而後進輦

補李滉退居禮安屢召不起 上以招賢不至歎為題命近臣賦之又



命礪城尉宋寅使畫所居陶山精舍又書混所作陶山記及詩篇作屏風以進常置寢殿中

補明宗二十一年司紙成渾被召上京上疏辭疾御札優批遣內醫持藥物看病又令中涓特賜酒饌禮遇之隆比合三公有加然渾竟不入侍乞骸歸

補宣祖朝李混自先王朝屢召不至上盡誠招致擢置貳公混感激知遇撰聖學十圖西銘考證手寫程子四勿箴以進上命皆繕寫爲屏置諸左右朝夕觀省不時召對從容講道及卒傷悼不已下教曰混之片言隻字皆可傳後其令有司哀集刊行

補盧守慎癸酉拜相甲戌辭遞以玉堂筭子還仍戊寅命賜其母食

物辭遞又以政院玉堂及大臣所啓仍任及遭母喪歸葬時以日寒解所御貂裘賜之又賜雨具胡椒丸藥命內醫護行承旨宣旨仍命一路護喪本道給役夫發靴及返虞再遣承旨慰問癸未八月方在禫服中而命注書以備忘來宣曰卿大臣也雖在守制之中不可膠守常規卿其卜相以進以祔廟下鄉命內醫隨行服闋翌日卽拜左議政甲申承召入京亦遣承旨宣醞於漢江因與船遊以解溼鬱

補十三年以成渾爲掌令諭召不置又下教曰此人有病不可冒寒給馬轎上來及拜命命起坐曰欲見顏色勿爲俯伏又以辭祿絕糧特賜米豆曰周之則受古人之道可勿辭相臣朴淳聞渾承命入城喜語人曰吾王不亦爲豪傑之主乎密密結網畢竟能網得牛翁來渾號牛



溪故云

補領府事洪暹以有九十偏母上賜御札曰卿元老耆德為邦家柱石又有九十偏母特賜卿母米豆酒肉以示予意

補十六年北兵使申位以母老乞歸覲特命帶職往來其至上親迎於郊仍解御衣而衣之其還又出餞賜驪笠寶纓以寵之

嘗下錦衣二襲於柳成龍使遺母錦衣乃內殿所賜也既而又敦諭使就養京師沿途郡邑得上旨具船輿設供帳遞護道路以為迎親

金繼輝為宗系辨誣使拜辭之日解御衣衣之親執爵以勞其行

補十八年下備忘曰臺諫救予過於既然玉堂則啓沃於未然之前其各加一資陞一座○二十年又下教曰銀臺朝夕勤仕各給熟馬一

匹

補玉堂嘗上劄陳弊夜深入啓未及下批明朝下教于政院曰昨夜氣適不平玉堂有讜論而未及答深用未安政院為我謝玉堂人皆感

悅

補二十六年上將還都尹根壽以宋經略接伴未得從駕上解所佩寶刀及雕玉賜之曰此予平日手中物卿可佩之時以念予

補李好閔壬辰之亂扈駕平壤大小辭令皆委其手擢拜承宣朝夕昵侍上常號職而不名之翌年遭母喪命一路給擔軍護送婦人之喪前所未有云

補顧崔明使之來李廷龜以遠接使辭朝上手脫所御貂帽以賜廷



龜跪奉以退御汗猶濕矣

沈喜壽爲相三年未有室廬 上嘗命召有司不知所在以聞 上異

之命出厩馬賣馬買家以賜

仁祖元年命依宋朝文彥博故事李元翼五日一以肩輿朝入闕又

使小宦扶掖上殿

卽位之初張顯光金長生朴知誠等卽躬召命乘駕轎或別設司業

以授之或擢置憲府之職且開講學廳使之訓迪世子祿俸之外廩人

繼粟其退也令長吏歲時存問

延平府院君李貴有疾思食鮒魚命捕禁池魚以賜之疾革 上聞

之遣內醫不離看病所服藥物皆出自內局別監臨門問病日再三

世子再遣宮官以問病篤中使來傳 上教曰聞卿病甚孤欲親問而病未能焉

鄭忠信病重 上命醫救之醫言當用人蔘數斤重於續請 上曰如

療此人竭力無惜况數斤人蔘乎及卒命中官護喪襚以御袍

九年宴靖社一等功臣於萬象樓命世子侍宴用家人禮

朴長遠嘗於月課作反哺烏詩 上覽而憐之知其有偏母而無以

養給以食物至 顯宗朝以長遠孝於母而先歿特命廩其母終身

長陵行狀曰諫者言直則或餽之酒或賜之馬李命俊生而特拜

諫長死蒙葬需之賜亦以勁直也崔睨被逮於逆獄而以其夜對之

力爭特命放釋



二十七年 上與世子御魚水堂命延陽府院君李時白等數人入侍 上親執爵飲之願世子曰汝亦執一爵時白惶感卒飲 上因問曰近日臣僚之不誠於國事甚矣對曰願 殿下無患臣僚之不誠於國事惟患 聖心之不誠於臣僚 孝宗嗣服初掌令宋時烈每進見稱官而不名一日請對 上以未卽引接時烈拜疏徑歸 上以待賢不誠之意痛自悔責又責政院之不卽稟達特遣承旨金益熙追往挽留而不得○以時烈之有老母令道臣頻餽美饌及藥物及遭喪遣承旨諭吊○己亥春依宋張南軒幄對故事屏去承史及宦侍獨留時烈相與講論謀猷又一日筵對罷後命吏判留待賓廳封下御札使東宮親自往傳

命相臣金尙憲肩輿入闕扶掖上殿

補同年特拜金集禮曹叅判吏曹以非舊例爲言 上曰稽古讀書之人召將何用不可拘於常規也一歲中超遷至吏曹判書後以大羣陞判中樞及卒悼儒林領袖之喪使之禮葬遣近臣致祭

補臺臣沈光洙遭艱 上以舊時甘盤特爲存問又給藥料食物

補四年判府事趙翼退居廣州屢召不至其子復陽以玉堂入侍 上招使進前問其父起居甚勤使之往諭奉歸于京

補五年領議政鄭太和遭父喪有疾 上招內醫柳後聖曰如可療鄭某之病予不惜千金之藥須盡心深思必得當劑以啓每有軍國大事輒令籌司堂上就議其家服闋翌日卽拜領相謝恩後宣醞命醉酒曰



國亂思良相卿今出仕可以共議國事矣又嘗以左相遭母喪上問

承旨鄭相家終制當在何日耶仍諭都承旨尹絳曰國家多事卿須言

于鄭相家俾速行禫祀○辛亥教曰鄭領府事久未相見深用缺然

欲爲相接聞有脚疾須肩輿以入命除肅拜出入使內侍扶掖上殿

補九年掌令趙克善承召詣闕謝恩粹中風疾政院以聞上驚甚

教內醫看病中使候問賜毛裘命衛士肩輿還家御醫等逐時書啓

病症雖丙夜必以御筆親批

補顯宗九年依文忠李元翼賜几杖文正公金尙憲賜肩輿故例賜領

府事李景奭几杖兼賜一等樂

補肅宗六年判義禁李尙眞入侍以有脚病特命扶掖上殿丁卯以原

任奉審長陵時亦令扶掖陞降上將親詣奉審又別諭先詣陵所

候車駕到幕次令肩輿入侍

補八年賜故相臣洪命夏李行遠妻紬布米饌時大臣筵白兩臣俱清

白身後家事剝落妻孥不免飢寒有是命

補二十二年因筵臣言吳斗寅朴泰輔妻子給料終身又令本道周給

泰輔父世堂

補英祖十六年上將謁齊厚兩陵駕次坡州路見先正臣成渾墓

式於輜遣官致祭命以今予苦心即先正心式輜路傍感慨深四句

添入於祭文中又度臨津望見李珥花石亭教曰俄見牛溪成渾墓

今見先正舊亭如接德容遣官致祭命以今予苦心即先正心瞻彼江



樹不覺愴深四句添入於祭文中

續正祖二年秋九月 上謂入侍承旨曰故奉朝賀南有容予自學語時受學于此重臣聞其子年長特爲召見其詩文尙未刊出云當令芸館印給本家遣承旨致祭貞敬夫人衣資食物令禮曹從厚題給

續三年三月 上始御奎章閣受閣臣進箋謂閣臣曰今日事自有本閣以來初有之事也且聞箋文亦有正副二本云此可見閣臣文華之富贍矣仍命宣醞

續十一年四月取覽領議政金致仁判府事徐命善領敦寧洪樂性畫像各題小贊命史官賚傳至是三大臣進箋稱謝具翼善冠白袍陞座親受

續純祖三十三年 上詣崇政殿行致仕奉朝賀南公轍宣麻之典

續哲宗六年賜判府事徐俊輔衣資

教曰予聞在昔乙卯華宴以外賓周旋者只餘徐判府一人云期頤之壽重逢是年事甚稀貴內下表裡一襲遺曹郎存問起居用表予寓感之意

續今 上元年判宗正卿李敦榮焚香呈辭特命給由馬澆奠床

續二年命三相玉杯銀餅各一件左右贊成叅贊舍檢各玉杯一件宣賜

續五年七月景福宮成將移御命鄭道傳南閭李稷沈德符墓并遺地方官致祭以四人於國初有營建是宮之功也



續六年 教曰大臣國舅宗親儀賓病患沈重之時政院入稟事定式  
續八年八月 廟宮展謁回轡親臨承政院命承旨持公事入侍歷臨  
玉堂召對又臨內閣別講承旨玉堂閣臣錫馬

續二十三年三月<sup>十五</sup> 上與王世子臨春坊講對宣醞于春桂坊二十  
日歷臨玉堂召對仍宣醞

增補文獻備考卷之八十二

增補文獻備考卷之八十三

弘文館 纂輯 校正

禮考 三十

養老

新羅儒理王五年王巡國內見一老嫗凍餒將死賜衣食仍命鰥寡孤  
獨老病不能自活者賑給

婆娑王十四年幸古所扶里郡<sup>今扶餘</sup> 親問高年賜穀

補味鄒王三年三月王幸黃山問高年賑貧乏

基臨王三年時巡比烈忽<sup>今安邊</sup> 問高年賜穀

訥智王七年養老於南堂親執食賜穀帛



真德主八年存問耆老鰥寡孤獨賜穀

高句麗太祖王六十六年命鰥寡孤獨及老不能自存者給衣食

補高麗成宗九年王幸西京入流員及母妻年八十以上者並隨品賜物年八十以上及篤疾者賜米布百歲以上令京官四品存問其家

十年賜老人年八十以上者且無父母親戚孩童有疾病者官給租救

恤

補顯宗二年八月饗老人賜窮民物

十二年賜京城男女年九十以上者酒食茶果布帛

二十年幸海州所歷州縣耆年篤疾賜酒食布貨

靖宗三年親饗國老

五年制曰候在大寒風雪嚴凝言念貧窮必至凍餒其外國投化人及沒蕃懷土男女八十餘人老幼賜綿布

文宗卽位初親饗八十以上有官人及孝子順孫義夫烈婦鰥寡孤獨廢疾者賜物

三年饗八十以上國老尙書右僕射崔輔成司宰卿趙曠太子詹事李澤成等於閣門王親臨賜酒賜公服各一襲幘頭二枚腦原茶三十角許令閣門乘馬出正衙門三老固辭翌日饗庶老男女及義夫烈女孝子順孫鰥寡孤獨篤廢疾賜物

十三年宴年八十以上工部尙書洪楷上將軍何興休於閣門王親勸花酒賜衣服又賜脯庶老及廢疾者孝順義節千二百八十人諸州縣



亦同日賜脯

三十五年詔定父母年七十以上八十以下侍丁一人九十二人百歲五人

宣宗二年七月饗國老

七年王幸三角山見民百歲及八十者三人賜物存問

獻宗即位初饗國老賜物

肅宗元年親饗國老賜衣幣布帛

六年親饗國老於閣門

七年王在西京禮部奏王制五年一巡狩百年者就見盖王者尊老尚齒之盛禮也乞令西京留守先問年八十以上人賜設制可遂召年八

十以上男女賜設于闕庭命太子侑酒食賜物

睿宗元年九月親饗八十以上於宮庭特命致仕林成槩肩輿入內親侑食賜衣

五年親饗年八十以上及孝順節義鰥寡孤獨于南明門外賜物孝子

一人加賜王爲之賦詩

六年親饗國老觀者多感泣又饗庶老于宮庭

十年親饗國老

仁宗即位初親饗年八十以上男女及義夫節婦篤廢疾于闕庭

六年以天文有變詔饗耆老賜物

二十二年親饗耆老賜孝順節義鰥寡孤獨廢疾王行視孝子親問行



實感惻出涕

明宗二十五年王聞水州廷谷村有老嫗年百四歲子孫丁壯九十五人悉供徭役賜嫗穀三十石

熙宗四年饗國老庶老孝順節義王親侑之翌日又大酺鰥寡孤獨廢疾賜物州縣亦倣此例

補忠肅王十二年教曰九十以上官給資糧七十以上給侍丁一人復其身鰥寡孤獨殘疾者官司優恤

養老儀王降殿出殿門樂作入幄有頃出幄三品以上老人拜一坐再至王南向立勸酒食宣花酒王至儀鳳門設王座於門中心賜四品以下老人及孝子順孫酒食老人拜一坐再至孝順拜舞蹈賜酒食樂作

本朝 世宗十四年 上親饗養老宴于勤政殿賜座 補二品以上於殿內四品以上

於月臺五品以下至庶人於殿庭 老人陞殿之時上起立於座 中殿宴老婦於思政

殿 養老宴儀詳見燕禮

十七年 教曰敬老之禮尚矣古之帝王或親臨宴衍或復子若孫皆所以示尊敬之義也今予在位凡尊年尚齒之禮悉遵古制獨賜爵之典未舉予心慊然可授年九十以上者爵命以示老老之仁老人百歲以上者歲首賜米月致酒肉八十以上者賜爵每仲秋賜宴在州郡者則守令餉之定為永法

補韻玉曰李貞幹年八十母年百二 英廟聞之獻壽日遣內官賜宮醞一時名卿多詠其事有慶壽集



文宗即位初 下教曰尊高年古今之通義自今大夫以年老致仕歸鄉者其令所在守令月致酒食每於四孟錄啓

補世祖乙亥黃海慶尙道有百六七歲老人命賜衣食

補元年三月設耆老諸臣宴于普濟院賜酒樂○七月命賜七十以上老人宴篤疾廢疾人亦令所在饋餉○十月設耆老宴於大明殿耆老共二百二十人命前郎將金自海進酒謂羣臣曰自海前朝人也今乃在此詩曰殷士膚敏裸將于京是也極歡而罷

補五年十月 上率王世子西巡平壤大同江設耆老宴老人男女凡百人 上臨浮碧樓觀察使曹孝門都節制使黃石生進宴 上至自

平壤御思政殿設宴慰北征將士

時咸鏡道都體察使申叔舟大破野人勦其巢穴而還

御製樂

府三章命被之管絃

補十年八月 上御勤政殿設耆老宴

五禮儀

耆老宴仲秋擇吉羣老去杖拜一坐再至

有教除禮則不拜下同

應陞

殿者分階陞殿下爲之興殿下乃坐群老就位司饗院進饌案設群老饌卓進花散群老花進膳設群老膳進爵行群老酒進湯酒行五遍進大膳設群老膳既撤群老拜一坐再至○中宮耆老群老去杖拜一坐再至應陞殿者陞王妃爲之興進饌案設饌卓進花散花酒行五遍進大膳並同上耆老儀○州縣耆老仲秋禮曹啓聞行移擇吉主人出門迎群老揖讓入主人四拜群老拜一坐再至就位奏樂設卓及盞設食行酒五遍



經國大典 每歲季秋行養老宴 大小人員年八十以上者赴燕婦人則王妃宴于內殿外則守令設內外

應行宴

補成宗二年九月 王妃行養老宴于宣政殿赴宴婦女凡一百五十  
四人有故未赴者賜酒饌于其第

補四年九月設耆老宴于訓練院二品以上年七十者並許赴命都承  
旨賚法醞賜之越四日 上御仁政殿復行養老宴

補二十三年九月行養老宴判中樞孫舜孝曰今日開宴君臣同樂真  
太平氣像然外邑鰥寡孤獨豈無不得其所者乎於是 下諭諸道守  
令宴群老如儀

補成 規曰朝廷每於上巳重陽設耆老宴於普濟樓又設耆英會

於訓練院皆賜酒樂耆老宴則前御堂上往赴耆英會則宗宰年  
七十二品以上及正一品以上經筵堂上往赴禮判以諸事考察  
押宴承旨亦承命而往分耦投壺不勝者取醵與勝者立飲奏樂  
章以侑之遂開宴大張絲竹各以次而傳觴必醉乃已日暮扶携  
而出得與是會者人皆榮之

補中宗元年九月九日賜耆老宗宰宴于訓練院

補五年九月賜耆英宴于訓練院經筵宴于慕華館並賜一等樂行老  
人宴賜參宴者衣資

七年行養老宴于闕庭

補十二年七月 教曰養老宴國之重事年雖飢饉不得已而為之也



且大典內宗親進宴一年一度恒式也近來禮官專不啓稟何也內宗親猶可不時召見外宗親非此宴則無由得見友愛之情至薄近來中廢之由問于禮曹以啓

十三年長水縣馬惟良妻趙氏年一百二十四十三生子名行坤年八十扶杖而行監司上其事 上曰古堯舜之年亦不至此我國則尤所未聞也命本道給衣食

補二十三年十月幸驪州設養老宴于愛蓮亭

補明宗三年十月行養老宴飭諸道抄啓老人

補宣祖二十四年設耆老宴於掌樂院政院援啓 祖宗朝故事特賜一等妓樂遣中使宣醞政丞金貴榮沈守慶知事姜暹同知宋贊左尹

睦詹大成李暨叅判申湛預會作帖侈慶器具饌品無與爲比

補三十六年四月前叅議李蘧母夫人以年滿百歲約時之卿大夫有大夫八承養者十家合宴上壽名曰慶壽宴因白上 上加賜之令諸道供給其物又賜舞樂而樂之侍宴子孫皆陞堂獻壽鍾鼓管絃喧轟啾啾 上曰李蘧之母今年百歲自今歲首賜餼廩有常加爵其子以賞之進嘉善階京城爲之謠曰母以子貴子以母貴熙熙壽母公伯其子

補仁祖元年九月耆老所啓春秋令節行耆英宴載在法典近因國家多故廢之久矣今於領議政李元翼賜几杖之時兼行耆英宴亦足爲千古美談從之宣醞賜樂



八年 教曰敬老尊賢治國之本古昔帝王或親臨宣慰或賜爵賜帛此皆尊尚之意也今予涼德兵火飢饉殆無虛歲言念耆老不覺慚惕目今經費板蕩宴慰之舉固不可輕議賜爵之典行之實當令該曹授老人爵年老寡婦亦命賜物洪瑞鳳等諸宰臣會宴壽其老母 上賜雪綿人二斤且 教曰卿等皆有老親備盡榮養予心感焉

補十三年又設耆老宴政丞鄭昌衍吳允謙金尙容尹昉李廷龜判樞鄭光績判書李弘胄朴鼎賢朴東善李德洞知事李尙吉以八十新陞資是歲李廷龜卒翌年吳允謙卒而韓平君李慶全滿七十知事宋駟以八十新陞資凡十一員古未嘗有云

補孝宗元年命給京外百歲老人衣資食物

都下有百餘歲庶人使掖庭人負而致之殿上餽之以珍羞節產之物餉亦不絕

補五年二月漢城府抄啓士族庶人年老者四百七十四人特加通政階通政以上加一級婦女令戶曹賜食物百歲以上加賜紬絮判中樞金蓋國青松君沈諡年皆八十餘不在抄啓中命一體加資以示優老之典

補顯宗元年給中外老人米布綿絮

補肅宗七年以玄風人方準文年至百歲齒髮復生特命超資呂淑母亦年百一歲令本道題給衣資食物

補八年以故叅議宋國澤妻卽 慈殿外祖母而年逾八耄命本道優



給衣資食物柴炭

十年 教曰今當 大王大妃殿周甲誕日古語曰老吾老以及人之老不可不推恩以示同慶之意朝臣及庶民勿論公私賤年八十以上特為加資 仁祖朝曾經侍從人並給食物後又以 仁祖朝相臣李行遠李時白李厚源之妻於 大王大妃殿為外命婦並給食物其餘故大臣宰臣妻年七十以上者一體存恤

補十二年以奉朝賀宋時烈年滿八十因大臣言令戶曹輸送米豆魚肉紬布

十七年筵臣言侍從臣有老母被賜資者將設宴以侈上恩 宣祖朝西平府院君韓浚謙故叅判洪履祥等及 仁廟朝新豐府院君張維

故判書李植等為老母設宴時有宣醞賜樂賜物之恩故相臣盧守慎母年過八十設壽席 宣廟至今朝臣赴宴賜樂賜物 上以事甚稀貴命依 宣廟朝故事行之

三十二年九月行老人宴於慶福宮與宴者一百五十人命士族八十庶民九十以上加資婦人賜米肉耆老諸臣二品以上別賜衣資米肉三品以上賜米肉聚會都下庶民耆老八十以上數百人于寬敞處令禮官具聲樂餽酒肉

補三十六年進宴後二品年七十以上別賜衣資米肉堂上三品則文臣曾經實職者武臣曾經牧府使者南行曾經四品實職者賜以米肉依丙戌例舉行事定奪



三十八年 上命史官招入同知金尙信尙信年一百有七令內官左右擔昇 上問其居住及子女多少 教曰老者非帛不煖非肉不飽 令該曹衣資食物題給特賜貂皮帽掩一部命內官扶掖下階

補四十年進宴後命依丙戌庚寅例卿宰堂上以上及夫人年七十以上賜米肉宗班年七十以上加賜衣資朝士夫人及婦女年八十常漢女人年九十以上並賜米肉又以大臣言命依 先朝戊申例侍從臣父母年七十以上或加資或賜衣資食物

補右議政金昌集啓進宴後推恩施惠事取見丙戌進宴時膳錄則大臣宰臣堂上官夫人年七十以上賜米肉耆老實班年七十以上賜衣資米肉朝士夫人及士夫婦女年八十以上常漢婦女年九十以上並

賜米肉今亦依此舉行而中庶亦以九十以上爲限又旱災太甚除賜宴只給米肉事定奪

補英祖四年九月 兩大妃殿進宴後命賜士夫年八十以上庶民年九十以上酒米魚肉有差

補十五年朝士年七十庶民年八十以上者之子若孫官與資各宴其親婦人耆老亦給宴需

十九年 大王大妃殿進宴後 上受酌 教曰今者此舉上承 慈旨黽勉以行而追惟昔年一倍此心既行之後聿追昔日與民共之是繼述之道况奉 慈闈而稱觴與舊臣而同宴絜矩章豈不云乎上老老民興孝此正絜矩時也其令該曹依丙戌年例耆民餽酒肴外方耆



民亦令諸道題給食物以示予遵昔追下之意

二十年 上入耆社後 教曰今者之舉上承 慈旨歡奉長樂坐于  
此殿追惟甲午此懷一倍王者之道繼述爲大于今此宴專由耆社依  
昔年例賜殿前樂令耆社諸臣持餘饌回宴本所

補三十二年七月 上以 東朝七旬召耆社臣宣宴以飾慶 東朝  
亦以 上六旬有三具饌以賜之越翌日率耆社臣及宗親文武卿宰  
年六十以上進賀于 東朝

四十一年 上御興泰門賜士庶年九十以上綿朝士年八十以上食  
物宰列以上父年六十以上侍從以上父年七十以上人特賜米肉奉  
親者朝官年七十以上士庶年八十以上給食物於義本宮里門內於

義洞追慕洞大隱巖蓮花坊餘慶坊延秋門契父老七十以上賜米肉  
仁元王后同氣金後衍夫人金九衍夫人及清風府院君奉祀孫金時  
默祖母亦給衣資食物叅宴翰注父亦依宰臣例計年舉行 貞聖王  
后至親爲守令奉親者亦令米肉題給又命道臣守令奉親者許令獻  
壽又命朝官士庶老人賜物又命都尉孫婦鄭象仁母都尉子婦吳載  
純母衣資食物題給又命咸興年百歲人九十九歲人關東年百歲人  
加給食物

四十二年賜庶民耆老宴於通衢

四十三年 教曰昔年百歲老人熙政堂入侍仰觀年今七十四復見  
百歲老人於集慶堂可謂稀有前知事李堉特加一資特給宴需其令



受宴

補李璞赴召入侍時命中官扶掖登筵 上執手迎勞仍問何以消遣對曰時誦小學 上曰老君老臣相與講誦可乎 上先誦小學首章璞繼講下御製御筆有曰甲戌望八豈意今見戊申百歲長老異哉仍命安寶曰能文不第可惜以此代紅牌 正祖以春宮侍坐亦賜手書曰老老之意曾見鄒書 上命進資崇祿官其孫濟為參奉

補御崇政殿月臺召見八十至九十歲人特許扶杖子弟隨以入 上起立以待之賜米帛有差

補四十九年閏四月受進宴于崇政殿越三日復御金商門宴耆社宗親文蔭武以上曾經實職年七十人命 世孫書耆耆宴會歌六句曰此效漢高大風歌也 世孫卽席賡進又賜宴五部耆民八十以上凡一百九十四人

補教曰今者養老宴意蓋深矣而只外宴予心悵然今日下詢亦遵三百年故事內宴亦於光明殿同日而散花饌品皆依外宴只三爵用薑茶內宴則內外四寸親年七十以上進叅耆社諸臣夫人年七十者皆入叅

續五禮儀 親臨耆老宴設御座樂作世子及耆老諸臣四拜進饌案行果供世子饌卓行果設耆老饌卓進花供花散花進小膳供膳設膳唱尊崇樂章提調進第一爵進湯酒行五遍退小膳進大膳

肅宗入耆社後行此





儀

續正祖十年定老職加資每歲首下批之規

教曰朝官年八十士庶人年九十以上每歲加資載在法典予御極以來歲首必命開政專爲老人之陞資也歲首下批亦宜有劃一之規自明年每於正月初二日以老職加資下批入稟事定式

續十五年命知事申義清令地方官米肉輸送其子秉權調用

教曰今日見百歲老人知事申義清筋力之康旺勝似六七十歲兒齒黑髮滿面帶韶光况九十九歲回婚後偕老十年其子若孫曾玄至於七十四人之多又其家計稍實飲食起居若意而資躋崇品職至摠管可謂壽富貴多男子如許福人卽亦國家瑞徵及其登對也

先陳爲生民慎擇監司守令且獻其年與多子孫有此質實之奏予有此酬答之舉

續十七年正月命昌城尉黃仁點家衣資食物輸送遣史官存問西溪君熠優給衣資食物子若孫中初仕擬入原任內閣提學蔡濟恭家遣檢書官存問奉朝賀鄭存謙領府事洪樂性家遣戶曹佐郎存問卿宰李命植等夫妻偕老人令該曹加給米肉

續十八年賜京外老人爵有差凡七萬五千一百四十五人仍召耆臣六卿以上指授義例彙爲一書名曰人瑞錄賜耆臣各法樂一部導至家

續四月召見一百八歲老人都摠管李東馨賜以玉圈扇香及紬木絺



綵雪綿之屬一百八十八人

續十九年上陪慈宮慈幸顯隆園御洛南軒行養老宴隨駕

老人領議政洪樂性等十五人華城老人李奭祚等三百八十四人叅

班

續二十年六月教曰右議政尹著東入耆社在近而其近百歲大夫

人康健故相洪暹後初聞者又聞貞敬夫人第三子回甲在此月云

當此慶祝之辰豈無錫類之典大臣老親其賜米帛其子回甲者甄復

其職

續純祖九年三月命奉朝賀李敬一回登日賜梨園樂及衣資宴需

續十一年頒魚果于朝官中七十七歲以上老人

續十二年遣醫官存問大臣卿宰年七十以上人

續十三年正月孝懿宣皇后回甲日命朝官年六十以上人加資

續十四年行濟州八十以上老人養老宴

續二十三年四月召見回榜老人朱萬离于熙政堂

都承旨李止淵奏曰回榜老人朱萬离粵在英廟時兼史而年今

九十一矣文科回榜自國初以來至于萬离僅為數三人云事甚稀

貴列聖朝優老之典雖凡常人固有應施之例而至於此等人尤

宜表揚存恤以示朝家特軫之意從之

續二十五年正月命判府事金思穆司馬回榜日賜几杖及宴需

續二十六年召見百歲老人安仁賜衣資食物



續憲宗八年正月命金箕殷回登日宴需衣資輸送

續哲宗二年祭酒洪直弼回登日宴需從優輸送

續五年五月 東朝誕辰 親上表裏設耆老文武科

續八年領府事鄭元容回登日賜一等樂宣醞

續十一月判府事金左根回甲日遣承旨存問内外衣資食物令度支

輸送

續十三年正月領府事鄭元容文科回榜日授几杖宣醞賜樂 親受

謝箋

續今 上元年永明尉洪顯周回登日賜几杖衣資食物輸送

續五年戊辰正月 教曰今年卽我 東朝周甲也其在及老之義宜

有廣慶之舉文臣侍從武臣樞帥蔭官三品準職醫譯嘉善以上年六十一歲人各加一資

續九年正月判敦寧閔致久回登日賜几杖

續十六年命一百五歲老人柳永默加資

續十九年二月命坡光君尹宗儀進士回榜日特爲加資

續二十四年閏四月奉朝賀金尙鉉小科回榜日特爲賜樂調用其孫

續二十八年命 哲宗朝侍臣六十一歲人各加一資

續五月命楊州民年七十以上人頒米年八十以上人加資 陵行時東宮隨詣父老提携瞻旄加額民情之欽欣可見特施惠典婦女年八十以上職帖成給



續三十年二月命朝官年八十人各加一資以東宮年二十識喜也三月御勤政殿設養老宴又設養老內宴

續正月命領府事申應朝進士回榜日宴需輸送子孫中一人初仕調用

續三月設養老宴命群老特許扶杖耆老婦女招入殿庭宣醞

續三十一年命生進中年八十以上人並付敦寧都正

續光武六年十二月詔曰養老之宴國朝彝規而列聖朝多有行之寔惟及人興孝之義也往歲修舉未遑之典自朕之行者社之禮尤眷眷於同樂之意且東宮年紀鼎盛今屆三旬朕心嘉悅有倍常年黃髮兒齒歡欣頌禱亦所以導迎和氣祈天永命令禮院攷例磨鍊儀節

饌品務從省畧來年三月念間擇入



增補文獻備考卷之八十三

增補文獻備考卷之八十四

弘文館 纂輯 校正

禮考 三十一

禮俗

臣謹按原本禮考諱氏族禮俗闕異教令禮書諸條彙為雜編李萬運本禮俗以下各分為目氏族別為一考今亦因之而諱附氏族之下

箕子教民禮義飲食以籩豆

周史曰箕子率中國五千人入朝鮮其詩書禮樂皆從而往教以詩書使知中國禮樂之制



宋徐兢曰飲食用俎豆文字合楷隸上而朝列官吏閑威儀而足辭  
采下而閭胥陋巷經館書社三兩相望

明朝宋濂曰箕子之邦上有常尊下有等夷實存先王之遺風正當  
以中夏視之未可以外國例言之也

補後漢書云箕子避地朝鮮施八條之約回頑薄之俗就寬略之法  
夫餘國會同拜爵洗爵揖讓陞降

補新羅景德王十四年熊川州板積鄉人向德以孝稱王嘉之賜租  
三百斛宅一區口分田若干命有司立石紀事後人號其地爲孝家  
里

新羅孝成王時唐玄宗遣使謂曰新羅號爲君子之國頗知書記有類

中國

補惠恭王十三年青州人聖寬養母至孝母病割股食之及死至誠  
營葬王賜租三百石

補憲德王十年牟梁人孫順家貧與妻傭作以養母順有小兒每奪  
母食順患之謂妻曰兒可得母難再求乃負兒歸掘地欲埋之忽得  
石鍾甚奇妻曰得異物殆兒之福不可埋也持兒與鍾還家懸鍾於  
梁撞之聲聞王宮王聞之嘉歎曰昔郭巨埋子天賜金釜今孫順埋  
兒地出石鍾前後同符乃賜家一區歲給米五十石

補眞聖主十一年韓岐部民連權女知恩性至孝少喪父獨養母年  
三十二猶不從人定省不離左右家貧無以爲養或傭作或行乞奉



之猶不給就富家賣身為婢晝則償其直抵暮歸養其母如是者數日母日向汝食我雖麤糲尚甘今雖稍美肝心若刺然是何耶女以實告母曰以我故使爾為人婢不如死之速也乃大哭女亦哭郎徒孝宗義之與之粟百石又償其債免其傭郎徒千人各出石粟以贈王亦賜租五百石第一區復其家旌其里曰孝養坊仍表聞於唐室

補孫穆鷄林遺事云軍民見國官甚恭尋常則胡跪而坐子拜父父答而半禮僧尼就地低頭對拜

補通典曰新羅俗見人必跪以兩手據地為恭

補北史曰高勾麗俗尚容止以趨走為敬拜則曳一脚立多反拱行必插手

補隋書云高勾麗人行必搖手

補北史曰百濟之人拜謁之禮以兩手據地為禮

補三國志扶餘人譯人傳辭則跪以手據地

補仁宗元年制戶部以五典教民

補十一年制檢治不葬父母者詳見私葬禮

補二十二年詔復齊民孝悌力田者

補忠肅王時永嘉府院君權溥與其子準哀集歷代孝子六十四人使其婿李齊賢作贊名曰孝行錄行于世

補後七年平壤人黃守父母年俱七十餘有弟妹五人同爨食具甘旨先奉父母日三二十餘年子孫服習無小怠贊成姜融親訪以聞



里閭警觀

補恭愍王二十年教曰義節孝順風俗所係並令旌表

補三司右使金光載事母盡孝王嘉之命有司旌表所居曰靈昌孝  
子里復里若干戶以奉祀焉

補辛昌戊辰大司憲趙浚疏曰都城根本之地風化之所先近來教  
養無法力役繁重願罷都摠都監將五部屬之開城府每一里擇耆  
老有學者為社長依黨序法教養子弟其賤人及工商子弟各事所  
業毋使羣戲街巷以長浮薄之風違者罪社長及父兄

朴礎曰國家自庚寅癸巳以上通儒名士多於中國故唐家以為君  
子之國宋朝以為文物禮義之邦題本國使臣下馬所曰小中華之

館

本朝 太宗八年 下教禮曹曰信婦德也一與之齊終身不改自世

教衰婦德不貞士族之女不顧禮義或為父母奪情或自媒從人非徒

自玷其身實是有累名教自今再嫁女子孫不置仕版以正風俗 刑見

大司憲南在疏曰古者已嫁者父母沒則無歸寧之義其謹嚴如此

前朝之季風俗頹敗士大夫之妻趨謁權門恬不為愧識者耻之願

自今文武兩班婦女除父母親兄弟姊妹親伯叔舅姨外不許相往

以正風俗

補世宗十年 上聞晉州民弑父瞿然曰此予否德所致也向者許稠

每以嚴上下之分勸我我聞而嘉之今果然矣遂召群臣議所以敦孝



弟厚風俗之方下季良請廣布孝行錄等書使閭巷小民尋常讀之使之駸駸然入於孝悌禮義之俗乃命僕循改撰孝行錄以進

補十六年 教曰降衷秉彝生民之所同厚倫成俗有國之先務世道既降淳風不古天經人紀浸以失真臣不能盡臣道子不能共子職婦不能全婦德者間或有之良可歎已思昔聖帝明王躬行身教表唱導率使比屋可封顧予涼德雖不能企其萬一而窃有志焉惟是敦典敷教之道夙夜盡心載念愚民懵於趨向無所則效爰命儒臣編輯古今忠臣孝子烈女之卓然可法者隨事紀載並著詩贊尙慮愚夫愚婦未易通曉附以圖形名曰三綱行實廣布中外第以民庶不識文字書雖頒降人不訓示則又安能知其意而興起乎予觀周禮外史掌達書名

于四方使四方知書之文字得能讀之今可做此中外攸司得民之有學識者咸使訓誨

權探序略曰家盡孝順之子國皆忠盡之臣南陔白華之什漢廣汝墳之詩將繼作於委巷之間王化之美當無讓於二南云

補世祖三年 教曰爲國之道厚倫成俗而已咨政府其議興化礪俗之方以褒孝烈選教官等十餘條具啓

補十年命梁誠之盧思慎等撰五倫錄

補成宗二年 教禮曹曰民風士習在上之人崇獎而激勸之其令中外搜訪忠臣烈婦孝子順孫啓聞旌別又令諸道廣刊小學三綱行實等書教民誦習



補七年 諭諸道觀察使曰治國莫先於教化教化必先於學校慮學者不以孝悌忠信為本嘗刊小學皆令學習實效未聞誠可歎也卿令諸邑儒生講誦第其能否歲抄以聞

八年 下教禮曹曰信婦德也一與之齊終身不改自世教衰婦德不貞士族之女不顧禮義或為父母奪情或自媒從人非徒自玷其身實是有累名教自今再嫁女子孫不置仕版以正風俗 補已見太宗時重出可疑

補十二年三月 教曰以諺書印三綱行實烈女圖頒賜京五部及諸道使村婦巷女皆得講習庶幾移風易俗


補中宗六年命復豎諸道棹楔先是殷山訓導李自華素有孝行 成廟國哀服喪三年燕山時被刑 見方 他道旋門者聞之大恐盡撤去至

是承旨李堦以為言 上立命復豎且 教曰予在潛邸聞鄭誠謹行

高人也廢主時被誅予甚愍之其令贈爵其他節義孝廉令諸道啓聞以勵風教誠謹亦以服 成宗喪三年被禍於燕山甲子者也

補命頒三綱行實二千九百四十帙于中外復命弘文館蒐集國初以來烈女孝子之未及與者圖寫事跡並述詩贊刊布

補十一年 傳教禮曹曰小學之書修身大法該在其中規模節目亦無不備而家禮一書亦切於齊家範俗之道故國家於生員進士覆試令講兩書以示崇重之意俾學者無不講習以成就其德行法典之設非不美也而有司慢於奉行試講之際視為之常慢不加嚴予甚慮焉小學之書既為時習所不尚公私藏儲亦必稀少其速廣行印頒使京





外學校以至鄉閭村巷無不得而學習師長之誨後進父兄之訓子弟朝廷之取選試率以是爲急教而學學而行習與性成化隨教行則風俗何患不正人材何患不美惟爾禮曹體予至意曉諭中外

補金安國以慶尙監司手撰五倫行實又諺解呂氏鄉約刊印頒布十四年命中外行鄉約法時趙光祖金湜等言化民成俗莫先於鄉約呂氏以匹夫不得推行天下而但施之一鄉觀周禮立黨正族師以相勸導者實鄉約之法也今宜倣周制大立規模上從之他日上以鄉約設施問于經筵官安處誠對曰近聞京城之民聚而相戒言不善之事國有禁憲不可犯也上曰鄉中自相率勵則刑罰從以省矣然京城則不可設法行之尋命京城五部官分給呂氏鄉約于坊里

補黃海監司金正國取民所易從而易犯者十二條名曰警民編刊布村閭又爲學令二十四條以訓學者

補十八年命印小學諺解宣布中外先是筵臣金安國白上曰治道以孝悌爲先而其教之方莫切於小學且先王旣撰三綱行實以教四方請加長幼朋友爲五倫行實廣布中外至是命印布小學諺解使閭巷婦孺皆得以知之

補明宗九年下教曰孝行節義所當崇獎故搜訪之意已下于各道矣人皆以節義爲貴則於爲國乎所關豈小哉仍下當代三綱錄于政院令印布中外

補宣祖六年三司交章請令郡邑皆從鄉約從之○翌年李珣奏曰近



日群臣急請行鄉約故自 上命行之臣意以爲行鄉約太早也養民爲先教民爲後民生憔悴莫甚於今日汲汲救弊先解倒懸然後可行鄉約也德教是梁肉若脾胃極傷糜粥不下則梁肉雖好其能食乎上議大臣後還停鄉約曰予非不欲行鄉約也欲待民生蘇息而行之耳許擘咎珥勸停鄉約珥曰衣食足然後知禮義飢寒之民不可強之行禮也

補李珥在海州嘗與鄉人有志者議行鄉約以正弊習乃將呂氏舊法更爲參酌增損節目要以宜於今俗而不背古制又定會集讀約法每間一月講約于書院預設夫子四聖及周子二程朱子位於講堂至者皆再拜仍拜文憲公廟

卽崔冲祠在海州

畢行禮見之儀於堂上遂

讀約文講論而罷又於野頭村略倣朱子遺意設社倉春秋歛取二分之息以救士民艱食者因作約束其條列視鄉約加詳以便庶民且有講信位次等儀海俗初甚偷薄自是以後文風丕變禮俗成習雖村里愚氓亦知感化或有棄妻數十年好合如初者又有庶人老者喪弟服衰哀痛過常問之皆曰此李監司之教也蓋珥曾有惠政於本道故州人云然

補二十六年還都後 下諭八道忠臣孝子烈女訪問哀錄 仍教于禮曹曰喪亂之後都民之死者何限意其遺民過半縞素及入城之日見都民填塞而未有服喪者此必亂後倫紀墮廢而然所關非輕其令各部糾檢



補光海初禮判李廷龜啓曰兵亂之時士女之死節者極多各道所報積成卷軸其所報皆是一鄉公論雖或有誤聞而名過其實者亦必有人微而實過其名者今當新政之日請一槩旋褒從之

補仁祖朝命譯五倫歌印布中外三綱行實並令刊行又以育材化俗莫先於小學命校書館印進頒賜群臣又以李珣所撰擊蒙要訣頒賜于諸道鄉校

十二年司憲府啓明高皇帝頒教於天下使守令集父老而告之又令里正執鐸徇路而遍曉之禮教者卽孝順父母尊敬長上和睦隣里等事也中廟己卯寧邊村民有棄父母於溝壑者聞卿約之書降自朝廷卽日迎歸竭力以養云良知之天雖曰人所固有未有不待教而善

者矣請鄉約諸條最急於孝友敬順者定爲事目爲先宣布京外交相飭勵師儒禮官盡心舉職監司守令着實奉行奉使諸臣之出入外方者亦以廉問風化爲第一條令禮官稟旨施行

補顯宗六年旌中外孝子烈女六十餘人間或贈職復戶以礪頽俗

補七年命刊布內訓及警民編內訓卽昭惠王后所撰也警民編卽金正國所撰也二書皆有補於化俗之道也

補龍安吉俗以春秋行鄉飲酒禮其誓曰不孝者黜不友者黜不信者黜非國政者黜毀長吏者黜勉德業規過失恤患難成禮俗同歸于厚皆再拜序齒序飲

補肅宗七年因咸鏡道觀察使尹趾善狀請以金正國所撰警民編鄭



澈所撰勸民歌印出分送列邑使婦孺尋常誦習以為慕效之地先是明川女人產子欲殺害為隣人所救事聞 上始以其敗倫欲用死律

因大臣議遠配其女仍命道臣商量變俗之道稟聞故趾善有是請

補英祖五年命校書館印出三綱行實分送諸道使監營刻印廣布

補十六年關西郭山人金英俊四世同居命道臣特書四世同居褒獎敦睦八字以旌其閭


補三十九年江華府民金昌九幼有至性齋沐露禱以祈親壽能延數紀其他養生送死一遵禮意因本府狀聞命留守鄭實親書海東黔婁金昌九之間九字親往鐫揭其門終身復其戶

續正祖元年 教曰敦風勵俗人主之令典雖以我朝言之每於歲首

京外必舉孝行節義之卓異者聞于朝廷當初設施之法意可以見列聖朝作成之盛意也近年以來其所登聞者便作政府之休紙未聞舉而獎之此固由於名實或混之致而其視愛禮之義果何如哉其令禮曹之臣就議政府撮其最者區別啓聞以為激勵之地申飭諸道舉之以實俾無如前

續二年 教曰禮曹抄啓孝子別單中以宗臣能盡子職以武弁能養父志者如故全恩君墩兵使具鼎煥是也墩則贈諡鼎煥贈職其餘皆依大臣禮官所議定褒崇之典分等舉行

續二十一年命頒行小學五倫行實鄉飲儀式鄉約條例 教曰予聞之夫子觀於鄉而知王道之易易觀政在朝觀俗在野政





之所及者淺俗之所得者深故善乎觀人之國者必先其野而後其朝肆予膺天之嘏恭逢 慈宮週甲期與八方臣庶共其樂尊年錫類之典無所不用其極而觀於朝廷無可紀觀於野俗不維新惟予一人否德不敢比先王觀也予爲是懼就訓義而攷證之且三綱五倫行實等篇爲輔治勵世之具與小學書不可偏廢釐爲一編命之曰五倫行實印書諸本宣賜京外

續大典會通 孝悌力田人每於孝烈修啓時登聞或遣將吏優禮或賜牛酒勞問

附 褒節義

補新羅訥祇王二年畝良州干朴堤上入倭國以計竊送質子末斯欣

身留其中以待命倭主大怒欲降之堤上曰寧爲鷄林之犬豚不爲倭國之臣寧受鷄林之箠楚不受倭國之爵祿倭主愈怒剝堤上脚刈兼葭使趨其上問曰汝何國臣曰鷄林之臣又使立於熱鐵上問何國臣曰鷄林之臣倭主乃燒殺之王聞之哀慟贈大阿漚厚賜其家使末斯欣娶其第二女

補眞平王二十四年百濟來侵小將貴山箠項揮戈力鬪金瘡滿身而死王與群臣迎於阿那之野臨屍痛哭贈貴山奈麻箠項大舍以禮葬之

補太宗王二年與百濟戰於陽山沙梁人驟徒自請從軍突陣力鬪而死



補文武王十一年驟徒之兄夫果與百濟戰於熊津南死之

補十五年靺鞨潛襲阿達城城主素那奮及大呼曰爾知新羅有沈那之子素那乎固不畏死以圖生欲鬪者來遂奮擊突賊自辰至酉矢集其身如蝟遂死王聞之流涕曰素那父子可謂世濟忠義贈匣食

補神文王四年將軍大文餘黨據報德城以叛王遣將討之驟徒之弟逼實以貴幢弟監將行語其妻曰二兄既死王事死垂不朽吾雖不肖何獨畏死而苟存乎今日是與爾死別及戰奮擊而死王歎曰驟徒能知死所而激昆季之心夫果逼實亦勇於義奮不顧身顧不遑歎皆贈沙滄是役諸將皆引退金盤屈之子步騎監令胤獨奮然曰臨陣無勇禮經所誠有進無退士卒常分丈夫臨事何必雷同遂赴敵力鬪而死

王歎曰有是父有是子其義烈可嘉贈賻有加

補高麗太祖十年王與甄萱大戰於桐藪不利萱兵圍王甚急將軍申崇謙使王隱於礙藪代乘御車與金樂力戰死之萱兵以為太祖斬頭貫戟而歸太祖董以身免及還陣求其尸無其頭命木工刻造頭面備服賜坐躬行祭醑甚哀之命有司賜葬地備禮葬焉嘗設八關會與群臣交歡念戰死功臣獨不在列命有司結草為兩人像坐班上命賜酒食酒輒焦乾假像仍起舞如生人焉自此排置樂庭以為常○睿宗十四年設八關會有假像戴簪服紫執笏行金騎馬踴躍周旋於庭王問之左右曰統合時代死功臣申崇謙金樂也仍奏本末王悄然感慨命訪二臣後而爵之宣以酒食仍賜御製詩三章以獎之



補顯宗二年西北面都巡檢使楊規副指揮使金叔興與契丹戰于通州終日苦戰矢窮力盡而死王手製教書俱賜圖形壁上官規子帶春賜規妻洪氏粟歲百碩叔興母五十碩

補恭愍王二十年辛晚誅王思李存吾之忠贈成均大司成子來年十歲王手書諫臣存吾之子安國下政房授掌車直長安國來小字

補本朝 定宗二年召前朝門下注書吉再授奉常博士再上書曰女無二夫臣無二主乞放歸田里以遂不事二姓之志 上嘉其節義優

禮以遣命復其家 世宗朝贈左司諫 英祖朝諡忠節

補鄭夢周之孫保 世祖朝坐罪當誅上以忠臣之孫特減死流外  
○宣祖癸酉將以鄭夢周享崧陽書院有司以位版爵號事上稟

上曰夢周高麗人也豈肯受本朝官爵雖有領議政之贈只書圃隱先生可也圃隱夢周別號也後又 教曰予嘗讀文山指南錄悲涼

慷慨不忍終篇夫文山夷齊後一人而已爲萬世人臣之表準我國鄭夢周節義文章可與文山儷美其文集印出刊布中外○庚子

懿仁王后葬期尙未卜吉朝廷令諸術士士大夫墳山勿論貴戚各舉所知而密啓時鄭夢周墓山亦在其中 上命禮官無遺往審而

獨於鄭墓下 教曰設使鄭夢周之墓果合於用豈忍使忠賢朽骨發掘於二百年之後哉其特勿看○肅宗七年因領中樞宋時烈言

以夢周嗣孫年幼淪落鄉曲特命別付料使之還京守視廟宇○英祖壬子致祭于高麗忠臣鄭夢周命祭文稱公不稱名○庚申駕幸



松都過善竹橋止金以示敬賢之意下御製詩及小識命豎碑建閣于橋傍又命大提學吳瑗記其碑陰其詩曰道德精忠亘萬古泰山

### 高節圃隱公

補太宗十二年前朝掌令徐甄遜居衿川嘗作詩曰千載神都隔渺茫忠良濟濟佐明王統三爲一功安在却恨前朝業不長大臣臺諫請鞠治上曰高麗之臣不忘其君乃其情也吾李氏豈能與天地無窮哉倘李氏之臣有如此者可嘉也其置勿問群臣固請上曰甄不北面我家追慕其君是亦夷齊之流何可罪之宣廟朝因筵臣許筠言致祭其墓贈大司憲

補前朝刑曹左叅議李養中遜居廣州不赴徵命太祖卽位以龍潛

故人特拜漢城尹不受太宗幸廣州召與道舊養中野服携琴拜謁獻魚酒上相見歡然而罷竟不能奪其志特官其子遇生而獎之常分御厨珍膳絡繹不絕

補太祖晚年有豐沛之戀禪位世子幸北關不肯回變朝廷每請奉還而不得請前後使者十輩皆不得還此所謂咸興差使也判承樞朴淳慷慨請行至咸興遙望行宮故以子馬繫于樹騎母馬而行馬回顧躑躅不進及上謁淳上王布衣交也懼然道故欵待仍問曰繫子馬于樹何也對曰妨於行路故繫之則母子不忍相離雖微物亦至情也因涕泣嗚咽上王亦汪然感涕一日與淳局戲適有鼠啣子墮屋至死不相捨淳復推局伏地而泣上王戚然卽諭回蹕之意淳辭歸



上王曰亟行已而行在諸臣爭請殺之。上王不許度已渡龍興江而授使者劔曰若已渡江則勿追淳偶得暴疾尙在船中未離岸遂腰斬而還。上王大慟曰淳死何言使者對曰但北向行宮呼曰臣死矣願無改前音。上王流涕曰淳少時良友也予不食疇昔之言遂回鑾。太宗聞淳之死驚慟軫恤有加命畫工畫其半體以著其實。世宗二年。上以新卽位當先獎節義。下教中外搜求孝子節婦義夫順孫以實迹聞州郡所上凡數百。上諭鄭招曰宜簡特行者凡得四十一人以聞旌賞有差。

補十二年。教筵臣曰高麗巨室大家皆臣事我家吉再以寒士抗節不仕予旣贈諫大夫又爵其子所以褒其節義也。

補中宗十二年校理趙光祖啓曰金宏弼鄭汝昌事已議於大臣成三問朴彭年等亦當並議此大公至正之意也且朱溪副正深源年二十餘歲深知姑夫任士洪奸狀乃請面陳於。成宗曰此他日敗國亡家之人不可苟容於朝仍痛泣流涕厥後幾致敗國之禍其忠言直節斷可知矣又曰成三問等當時已許身於。魯山故不失其志操如此若委質於。世祖則亦當爲忠臣義士已定君臣之分則更不他適故耳斯人忠義自當萬古不泯臣等敢請褒揚於今日者欲勵人臣之志操也。

補宣祖二十五年參贊成渾時務啓曰國家褒忠之典不可不汲汲舉行如劉克良高敬命趙憲邊應井之力戰死於陣上宋象賢金鍊光之



增補文獻備考 卷八十四  
守城不屈而死者皆忠義之傑然者也其餘所在伏節而死者必多誠宜採訪一一褒贈恤其妻子慰彼忠魂昭報功烈以激一代忠義之氣

補二十七年體察使柳成龍請褒獎忠義啓曰國家於昇平之後猝遇賊變千里望風奔散恐後而其間忠義之士或力捍孤城以身殉國或橫屍戰陣奮勇不顧義烈表表在人耳目者亦不爲無人而倉猝之際率多淪廢不聞於朝廷而褒賞不及無以慰忠魂於泉下樹風聲於將來以臣等所傳聞言之則全羅道熊峙之戰金堤郡守鄭湛終日力戰殺賊無數終以矢盡兵敗身死而全州之保全者鄭湛力戰摧敵之功爲多海南縣監邊應井身當賊衝慷慨以死自誓力戰死於熊峙之戰言者至今傷之此外死國之臣必多有之而朝廷有未及聞知者請令

慶尙全羅忠清道監司廣詢博訪從公論啓聞後次第褒錄以勸忠義

補仁祖朝廷平府院君李貴上筭曰故臣趙憲弱冠慷慨屢進忠言當倭使之來上䟽請斬仍陳備倭之策人皆以怪鬼目之擯斥不用及國事危難憲以一介匹夫投袂而起義士雲集屢建奇功及死之日義旅七百人一時爭死憲儒者也軍旅之事素所未學徒以精忠所激能得人死力如此况人主居萬乘之尊握刑賞之權而能以至誠培養節義者乎請以此藁刊布中外以勸節義之士

補仁祖朝賜金應河家累銀三百兩且以金浚一家死於安州三綱俱備其子振聲超授六品職平安兵使南以興義州判官崔夢亮及丙子江都節死之臣並褒贈有加判書金尙憲叅判鄭蘊臨亂慷慨刺刃自



經遣醫賫藥以救洪翼漢尹集吳達濟視死如歸哀憐不已厚恤其家  
補孝宗三年故弼善鄭雷卿之子維岳為進士壯元特命入侍下教  
曰典形頗似乃父仍謂承旨曰此兒父不顧身為國事至不測人莫之  
救予亦力微不得救為之垂涕


補七年時官妓刷還之令甚嚴金應河庶子呈于備局以為方在鐵原  
守護虛塚而其母本文川人以刷還見侵云上聞之特命勿為刷還

補上嘗聞故東萊府使宋象賢子孫殘微不能豎表墓道命本道方伯  
建碑又以為自古忠臣無如趙憲其子孫特命先用

補以侍講院書吏姜孝元死事于瀋中而其子在賤籍命內需司贖以  
為良星州陞戶砲手李士龍殉節于錦州衛官其子善萬戶

補肅宗即位初除東萊府壬辰起義人子孫賤役先是萬曆戊申東萊  
府使李安訥牒道臣請壬辰起義人金廷瑞等十九人給復旋聞追得  
宋繼男等五人未及報道臣揭義勇二字於其門以表之至是因承旨  
權大載言廷瑞繼男等二十四人子孫中賤役者免之在軍伍者陞為  
軍官使本道試才入格者錄用

補六年江華留守李選上疏論皇甫仁金宗瑞及六臣之冤引世祖  
後世忠臣之訓及顯廟三問乃方孝孺類之教請申雪答曰六臣事  
予非不知但與建文諸臣既有差異列聖朝亦未嘗宥罪矣若夫封  
植墳墓士林尊慕等事不必禁止矣○十七年輦過露梁見六臣墓在  
道傍感其節義遣官賜祭于其祠仍命復官爵至英祖戊寅六臣與





皇甫仁等三相並賜諡

補二十四年 莊陵復位後特贈寧越戶長嚴興道為戶曹參議 英

祖戊寅加贈工曹參判

補二十五年判府事崔錫鼎奏直提學元昊 端宗初年退居原州逮

昇遐入寧越服三年喪 光廟特授戶曹參議屢召不至士人金時習

自 光廟受禪落髮逃世其文章節行卓卓可尚並宜旋表贈職命昊

旋間時習贈職賜祭

補英祖元年備忘記曰噫嘻四大臣以體國之誠歷事 兩朝慘被凶

禍至今思之亦切傷痛處分既定四大臣所被慘誣亦已盡雪奚但導

先朝之遺意哉抑亦 大行朝寬仁盛德之心必欣悅於冥冥之中此

非特有辭於今日亦將於他日有歸奏 兩朝之言矣思之至此還切

傷感節惠之典不可稽滯其令太常依筵中 下教即速舉行金昌集

李頤命趙泰采李健命等四大臣並賜諡致祭又命壬寅冤死人判書

李晚成李弘述參判洪啓迪金雲澤尹愨承旨金濟謙修撰金民澤執

義趙聖復兵使白時考李尙醮金時泰進士尹志述任敝並贈職致祭

李晚成李弘述並賜美諡其餘蔭官儒生並恤典舉行又命李宇恒贈

職 壬辰李宇恒賜諡己亥洪啓迪金雲澤賜諡趙聖復加贈壬寅趙聖復尹愨賜諡

補四年 上以疾風勁草褒南延年等命贈李鳳祥南延年洪霖官爵

補六年吏曹判書宋寅明筵啓關西是邊地宜以親上死長之義別為

飭勵曾在壬辰丁卯丙子甲子己未兵亂時道內死義者甚多而鐵山



鄭鳳壽外人無知者故臣到營後搜問道內殉節之人作為一冊記其事實名曰關西忠孝錄將欲廣布一道激勵人心曾已始刊而工未及訖臣遽遞歸將未免半道而廢極為可惜若自朝家申飭本道使之畢刊頒布則好矣 上曰令本道畢刊使之頒布一道

補十年 教曰予覽故叅議安邦俊所撰抗義新編文烈公趙憲方其時名稱未著職秩且卑而能倡義與七百義士赴亂殉節豈不卓犖焯炳乎田橫之五百義士往史義之而趙憲倡率之人同時捨命至於七百之多不可與田橫同日語矣特遣儒臣致祭于趙憲殉節之墟而七百義塚別撰祭文同為致祭又命進重峯趙憲別號朝天錄及日記

補十六年 駕幸松京過不朝峴問侍臣以命名之義對曰 太宗設

科本都時前朝大族五十餘家不肯赴舉故以為名 教曰末世君臣之義掃地盡矣今聞不朝之名雖百世之下猶令人凜然如觀也遂親書不朝峴三字豎碑于其下

補正祖三年命儒生李義淵贈職金龍澤李天紀李喜之沈尙吉鄭麟重等五人並錄後宮人墨世旋閭皆壬寅冤死人也○戊申又特贈同時冤死人白望兵曹叅議

續五年 上詣 元陵 教曰嗚呼我 先王述 列祖之心法接三宗之血脉堯傳舜授仁至義盡使我四百年宗社賴有磐石之安猗歟盛哉時則有若忠獻公金昌集忠愍公李健命忠文公李頤命忠翼公趙泰采協力翊戴以身殉國精忠大節炳炳烺烺至于今昭在人耳



日重逢前甲載謁 元陵予小子烏可無寓感之道也四忠祠遣承旨  
卜日致祭其子孫仍令選曹錄用又 教曰以其時股肱之孫又以肘  
腋之親死生之際若有撓奪宗社未有稅駕之所矧當錄舊之日豈無  
表揚之舉贈吏議金省行加贈故學生徐德修特贈執義

六年右議政金煜筵啓今此壬寅之歲更無餘日追念前壬寅之事  
不勝感愴前壬寅乃心王室死於國事之臣俱蒙褒贈之恩而猶不免  
遺漏者蓋壬寅冤死之臣三將臣五節度卽其最著者而三將臣則贈  
官賜諡蔑以加矣白時者李尙穰金時泰在 先朝與三將臣一體贈  
職而未及賜諡沈摺柳就章復官而已猶未蒙贈職之恩其中沈摺受  
禍最酷至今追思令人隕涕一般是死於國事又是受禍最酷而獨漏

於愍恤褒贈之科有欠於朝家一視之道沈摺柳就章依三節度例贈  
職以韋布受禍者皆蒙朝家愍恤之恩五人曾有錄孤之命故直長洪  
義人進士洪哲人兄弟亦與五人無異曾有錄孤之恩矣兄弟並入於  
鏡賊奏文中其爲凶黨之最忌嫉於此可知受禍之酷兄弟並命尤可  
愍惻洪義人洪哲人兄弟當有賜贈之典 上曰當此歲有此奏可謂  
急先務後日政並爲舉行而予亦有下詢者四大臣中一大臣配享廟  
庭自可不祧而其餘三大臣似不一例爲之月前以此提問矣卿筵退  
後祧不祧詳問于本家言送政院無或踰此歲處分可也

八年 親製綸音宣諭群臣若曰嗚呼今年今日卽我 先大王御  
極之回甲也嗚呼今年今日亦豈以褒獎之備至更無眎意之舉乎故



相忠獻公金昌集忠愍公李健命忠文公李頤命忠翼公趙泰采贈判書忠獻公李廷燠家遺近侍致祭子孫錄用之教今夏大政已有承傳三大臣後裔次第收錄而忠翼公之孫未免獨漏不可以年前除職而止耳銓曹着意搜訪以聞贈叅判金省行慘被鍛鍊之死不撓其忠義之凜然尤有卓爾者昔我先大王屢加褒嘉之教逢今日宜有別般崇獎之舉特令旋閭忠簡公趙聖復其之死不撓與金省行無異一體旋閭贈贊成忠定公李弘述景武公李宇恒贈判書忠愍公尹愨忠穆公李尙醮忠莊公白時奇忠毅公金時泰故兵使沈摺家遺禮官致祭故武臣梁益標禹洪采故訓導李鳳鳴尙闕地贈實屬欠典並令贈職噫白髮丹心起自投荒以明義理嚴懲討爲己任勤勤懇懇矢死靡悔

者故相文忠公鄭澐文忠公閔鎮遠是已况且兩大臣枚卜俱在 先祖光御之初而近因其家之零替在朝者甚尠奉祀孫特爲錄用布衣抗疏字字腔血倫彝以之不墜凶賊以之破膽予於李義淵見之中丞之贈豈云稱其樹立特令陞秩加贈達城嗣孫之首被慘鋒凶徒之羅織吁亦憐矣府院君家遺近侍亦爲致祭故判書忠肅公李晚成伊時事每一思惟令人盡傷此人且是文正之叔奉祀孫令該曹問名草記故叅判毅簡公洪啓廸易名之後命改以忠簡迄不宣謚云另飭銓郎斯速往宣噫今茲之舉寔出於君臣上下不忘是日聿追先烈之意亦可爲扶倫常樹風教之一助咨爾在廷百僚咸須聽悉四大臣及徐宗悌李廷燠家親製文祭之翌日 上召見諸家子孫命宣法醞繼下御詩命



增補文獻備考 卷八十四

文蔭賡進儒武以其藝試之頒賞有差越五日諸臣子孫奉箋稱謝  
上命閣臣褒輯綸音傳旨及祭文御製詩繼以賡進詩及謝箋編為一  
通名之曰褒忠綸音印賜諸家

○十年忠翼公金宗瑞祠版露出於白岳山麓玉函中而其後孫已親  
盡大臣奏之特命不祧仍令該曹訪主祀人調用

○十年旌表故宮人墨世所居之舊里以殉國之烈節也

○十二年三月命故奉朝賀崔奎瑞海恩府院君吳命恒豐陵府院君  
趙文命家遣官致祭靈城君朴文秀家一體致祭故大司憲洪景輔故  
叅判吳光運令有司賜以美諡以賁其忠清州表忠祠遣官致祭故嶺  
伯黃璿後孫待年長調用贈大司憲李述原褒忠祠贈承旨慎溟翊鄉

祠並賜祭以 英祖朝揚武勘亂之年若月也是月命改賜故領相李  
宗城諡文忠追念宗城危身衛國之忠也又命忠愍公林慶業宣諡日  
致祭禮饌加一品

○十一月忠壯公金德齡宣諡日親撰文致祭立石表其里曰忠孝之  
里

○十五年京畿儒生上言請和義君璵追享彰烈祠 上從之仍命賜  
礪良府院君宋玆壽都摠管成勝別雲劔朴靖副提學曹尙治諡贈朴  
季愚河珀職定盡節諸人配食之典 教曰六宗英也五懿戚也三相  
臣也三重臣也六臣與六臣父若子中卓異也許詡及慥朴季愚文敬  
文獻之子若孫而尤迥異也順興府使李甫欽都鎮撫鄭孝全也右三



十一人定以配食未詳者趙遂良等十二人坐収司者宜春君等二百二十四人祭于別壇拚死奮義戮力於終事之地惟嚴戶長一人以不在死節之列獨漏於配食乎贈叅判嚴興道俾與三十一人位序之次故處士金時習太學生南孝溫一體附享於彰烈祠三十二人壇食當有祝祠版書以忠臣之神別壇則造三版書以癸酉丙子丁丑死事人祭時以紙牒列錄姓名無祝仍命編成配食錄增修 莊陵誌○掌苑奉事趙有善奏本署卽故忠臣成三問舊宅而無子孫贖還雖無可論宜有徵信文字命記其故實揭板廳事

○十六年命褒故忠臣尹暹李慶流朴篋及戰亡將卒因尙州所設舊壇賜號忠臣義士壇令州官每歲春秋祀之○十七年命尙州故壬辰

義士金鎰配侑忠義壇

○二十二年命旌遼東伯金應河鐵原舊第時右議政李秉模以是年適當舊甲請加旌褒故有是舉○賜高麗忠臣平海知郡金濟謚宣謚日祭於海上

○二十四年 教曰文信國之孫可尙值遼瀋之難航海東歸其意氣偉然獨其後無聞甚是欠事其令搜問以奏

○純祖五年賜兵曹判書禹尙中節惠之典尙中當甲子适亂 變興南幸將渡漢津以尺劔步從扈駕渡津故也

○十二年命贈叅判嘉山郡守鄭著加贈兵曹判書其父亦爲贈職並施棹楔之典以其不屈賊而死義故也○命特贈諸景或統制使金大



宅南兵使以其敵愾從征以身殉國故也

續十七年命忠愍公閔埈追配於江華忠烈祠以其一門十三人同日

殉節虜亂故也

續哲宗十年命忠武公金應河立殯日遣禮官致祭

續今 上三年九月命判書李是遠贈上相郡守李止遠贈吏叅是時

洋舶來陷江都是遠陳遺疏與弟止遠同日自裁有是命後因領相金

炳學奏是遠賜諡

續八年鎮撫中軍魚在淵立殯於洋亂命贈兵曹判書

續二十一年十月左贊成閔台鎬知事趙寧夏判敦寧閔泳穆贈上相

判書韓圭稷叅判尹泰駿李祖淵贈左贊成不待狀賜諡以臨難殉身

也

伊日內侍柳載賢亦同為殉身

續三十一年領官李暉鎬當匪徒之亂奮不顧身勇突直前身殉王事命特贈兵曹叅判

續三十三年三月宮內府大臣李耕植贈大匡副領洪啓薰贈軍部大臣並不待狀賜諡以臨難衛國殉身也







